

Uruunu ambainana ki Yesu Krisi ta Markus ibeede

Yoan, tomtom ki yok kamjana iurpe zaala pa Yesu Krisi

(Mt 3:1-12; Lu 3:1-18; Yo 1:19-28)

¹ Ingi aruunu ambainana ki Anutu Lutuunu Yesu Krisi. Uraata kini imanga ta kembei.

² Mungu Anutu kwoono Yesaya ibeede ka sua ma iso ta kembei:

Nio ko ango tomtom tasa be iwe kwon.

Mi ni ko imuungu ma iurpe zaala pu.✧

³ Kaljana ta iboboobo su lele bilimjana.

Iso: ‘Kuurpe zaala pa Merere!

Kapazal zaala pini.’✧

⁴ Sua tana iur nonono se ki Yoan ta ikamam yok pizin tomtom. Pa ni ila pa lele bilimjana, mi ikamam sua pizin tomtom be titooro lelen mi tikam yok. Naso Anutu ireege sanaana kizin.✧ ⁵ Mi wal ta boozomen ki lele pakaana ki Yudea, zinan zin Yerusalem kan timap ma tilala kini isu yok Yordan. Mi tizzwe sanaana kizin ila kini, mi ni ikamam yok pizin isu tana.

⁶ Yoan, ni izebzeebi pa mburu ta tiurpe pa kamel rumuunu na, mi ipezekat lwoono pa pus. Mi siizi ta iwe ka kini, mi bigil suruunu ta iwe ka yok. ⁷ Mi ni ikamam sua pizin tomtom ta kembei: “Tomtom tabe imar kaimer pio i, ni mburaana ilip pio. Tana

✧ **1:2:** Mal 3:1; Mt 11:10; Lu 7:27 ✧ **1:3:** Yesa 40:3, 57:14; Yo 1:23 ✧ **1:4:** Ngo 13:24, 19:4

aŋre itun̄ kembei aŋrao pini risa som kat. Uraata sorokŋana kembei aŋtuundu mi aŋputke kumbu keteene ka wooro, ina tomini, aŋrao aŋkam pini na som. ✧ 8 Pa nio aŋkam yok men piom. Mi ni, nako ikam Bubun̄ana Potom̄ana ma isalakaala yom.” ✧

*Yoan ikam yok pa Yesu
(Mt 3:13-17; Lu 3:21-22)*

9 Yoan ikamam uraata kini, mi Yesu izem kar Nasaret ki Galilea, mi ipa ma ila ipet ki Yoan isu yok Yordan. To Yoan ikam yok pini su tana.

10 Beso Yesu ise pa yok, mi mataana isala na, ire saamba imapaala mi kwoono ikaaga, to Bubun̄ana isu kembei mbalmbal mi imbot sala ŋwaana. ✧ 11 To tilen̄ kalŋaana ta imbot saamba mi isu ma iso ta kembei: “Nu na, nio lutun̄ ŋonoono. Nio lelen̄ ambai pu mi lelen̄ pu ilip.” ✧

*Sadan itoombo Yesu
(Mt 4:1-11; Lu 4:1-13)*

12 Tona loŋa men mi Bubun̄ana iman̄ga pa Yesu ma izem yok Yordan, mi ila ipet lele bilim̄ana.

13 Ni imbotmbot lele tana pa aigule tomtooru. Mi Sadan ila ma iwedet kini be itomtoombi. Mi ni imbotmbot raama zin buzur saŋsaŋŋan, mi zin aŋela timbesmbeeze pini. ✧

Yesu ikam uraata isu Galilea mi iboobo zin nan̄gaŋ paŋ

(Mt 4:12-22; Lu 4:14-15, 5:1-11; Yo 1:35-42)

14 Yoan ikamam uraata kini, mi tikiskisi ma tizeebi lela ruumu sanaana. Tona Yesu ila ipet lele

✧ **1:7:** Ngo 13:25 ✧ **1:8:** Ngo 2:4, 11:16 ✧ **1:10:** Yesa 64:1
✧ **1:11:** Mbo 2:7; Yesa 42:1; Mt 12:18; Mk 9:7 ✧ **1:13:** Un
2:19–3:7; Mbo 91:11+; 1Kor 15:47

pakaana ki Galilea, mi imanga be izzoyaryaara uruunu ambainana ki Anutu. ¹⁵ Ikamam sua pizin tomtom ta kembei: “Kelen! Nol ki Anutu tabe iswe peeze kini ma ipet mat, ta imar igarau kek. Tana kezem mbulu tiom sananana, kotooro leleyom, mi kuurla uruunu ambainana!”[☆]

¹⁶ Aigule ta na, Yesu ipiyalyaala pa tai Galilea ka peende ma ila. Mi ire tonmatizin ru, Simon ma Andreas, tiwaswaaza ma timbotmbot. Pa ziru na, tomtom ye kan. ¹⁷ Ire zin, to iso pizin. Iso: “Ai, niomru tina, kamar koto yo. Nio ko anpaute yom be kakam zin tomtom.” ¹⁸ To loŋa men mi tizem pu kizin, mi tito i ma zinan tila.

¹⁹ Tiwwa ma tilae ri to, Yesu mataana ila na, ire Zebedi lutuunu bizin ru, Yems ziru tiziini Yoan, timbotmbot se woŋgo mi tiurpewe pu kizin. ²⁰ Ire zin na, loŋa men mi iboobo zin be timar tito i. Tana ziru tizem taman zinan uraata kan kizin pakan ma timbotmbot woŋgo, mi timar tito Yesu ma zinan tila.

*Yesu iziiri bubunana sananana pa tomtom ta
(Lu 4:31-37)*

²¹ Tiwwa ma tila tipet kar Kapenaum. Mi timbot ma ila aigule potomana, to Yesu ilela lupnana muriini mi ikamam sua pizin tomtom. ²² Zin iwal tilen sua kini ma kwon itaanda pa. Pa ni ikamam sua kembei ta zin ngarjan ki tutu na som. Izzo katkat sua raama mburaana, kembei tomtom ta zaana pa uraata kini.[☆] ²³ Lupnana muriini kizin leleene na, tomtom ta imbotmbot. Ni, bubunana sananana izeebi. Indeeŋe ta Yesu ikamam sua

[☆] 1:15: Mt 3:2; Ga 4:4 [☆] 1:22: Mt 7:28+

pizin tomtom na, tomtom tana iboobi ma kalŋaana biibi mi iso: ²⁴ “Aii, Yesu ki Nasaret, nu sombe kam parei piam? Ingi mar be pambiriizi yam? Nio anŋilaalu kek. Nu Anutu tomtom kini potomŋana.”✧

²⁵ Tamen Yesu inŋasaari ma iso: “Hait, mane mi yooto pini!” ²⁶ Tabe bubuŋana sananŋana tina iyelkatkat tomtom tina, mi iyak ma kalŋaana biibi, to iyooto ma ila ne.✧ ²⁷ Zin iwal tana tire mbulu tina ma timorsop pa Anutu mburaana. Mi tiparwwi zin ma tiso: “Wai, mbulu ti, pareiŋana? Ingi sua popoŋana ta mburaananŋana kat. Pa ni iurur sua pizin bubuŋana sananŋan, mi zin tomini tilenŋen la kalŋaana.” ²⁸ Tabe loŋa men mi Yesu uruunu irak ma irao pa kar ta boozomen ki lele pakaana ki Galilea.

*Yesu iziiri mete pizin wal boozomen
(Mt 8:14-17; Lu 4:38-41)*

²⁹ Tiyooto pa lupŋana muriini, to loŋa men mi tila pa ruumu ki Petrus ziru Andreas. Mi Yoan ziru Yems, ta tigaaba zin ma ziŋan tila. ³⁰ Simon rwoono mooribi, ni kuliini ibayou kat ma ikenne. Tabe loŋa men mi tisotaara Yesu pini. ³¹ To Yesu ila kini ma iteege namaana, mi iwiti ma imanŋa. Tana mete iko pini mi niini ambai mini, to ila ma iurpe kan kini.

³² Rou ma zoŋ isula na, zin iwal tiyyo metenŋan kizin ta boozomen ziŋan zin wal ta bubuŋana sananŋan tizeebe zin na ma tila ki Yesu. ³³ Zin kar kan timap ma timar tilup zin su ruumu kwoono. ³⁴ Mi Yesu iurpe tomtom boozomen pa

✧ **1:24:** Mt 25:41; Mk 15:39; Yems 2:19 ✧ **1:26:** Mk 9:26

mete matakiŋa ma nin ambai, mi iziiri bubuŋana sananŋan boozomen pizin tomtom tomini. Mi bubuŋana sananŋan na, tikilaali kek. Tana ni ipeteke zin be tiso ka sua pepe.*

*Yesu izzoyaryaara sua isu Galilea
(Lu 4:42-44)*

³⁵ Aigule toro mbenbenŋana na, Yesu imanŋa mi izem kar, mi ila pa lele ta ka tomtom somŋana i bekenan itutamen imbot mi isuŋ.* ³⁶ Mi Simon ziŋan waene bizin tila be tiru i. ³⁷ Tila ma tindeenŋi, to tiso pini ma tiso: “Wai, nu mar lele ti paso! Iwal biibi ta tirru u a.” ³⁸ Yesu ipekel kwon ma iso: “E-e, pa inŋi be tala pa kar pakan ta koloulouŋan i, bekenan anŋkam sua ki Anutu pizin tomini. Pa nio anŋmar pa uraata ta kembei.” ³⁹ Tana imanŋa mini, mi ipa pa kar ta boozomen ki Galilea ma ila. Mi ikamam Anutu sua kini pizin tomtom lela lupŋana murin kizin, mi izirziiri bubuŋana sananŋan pizin tomtom.

*Yesu iurpe tomtom ta mbetmbeete sananŋana ikami
(Mt 8:1-4; Lu 5:12-16)*

⁴⁰ Tomtom ta, ni mbetmbeete sananŋana ikami. Imar ki Yesu mi inŋun kumbu mbukuunu su kereene uunu, mi itanŋoro i ma iso: “O yae, sombe lelem isaana pio, na nu rao ziiri mete tio ti ma kuliŋ inŋeeze mini.” ⁴¹ Tana Yesu leleene isaana pini, mi iteeŋi ma iso: “E, nio leleŋ be anuulu u. Kulim ambai lak.” ⁴² Mi loŋa men mi mete tana iko pini ma kuliini inŋeeze mini. ⁴³⁻⁴⁴ To Yesu iur sua

* **1:34:** Mk 1:24, 3:11+; Lu 4:41 * **1:35:** Mbo 5:3; Mt 14:23; Mk 6:46

mbolɔna pini ta kembei. Iso: “Lenɔ kat! Sombe la, na so tomtom sa pa mbulu ti pepe. Kanɔkanɔ ma la, mi pamaala itum pa patoronɔna ka tomtom sa munɔgu. Mi kam patoronɔna pa Anutu mi pakuri pa kulim ta inɔgeeze na, kembei ta tutu ki Mose iso. Naso ipombol zin patoronɔna kan be tiurla tio.”[✧]
⁴⁵ Tamen tomtom tina, ni ito sua ki Yesu som. Ila na, loɔna men mi isoyaara uraata tana uruunu pizin tomtom boozomen ma ila. Tabe Yesu, ni irao ilela kar sa leleene mini som. Ni imbotmbot lele bilimɔna men. Tamen zin karkari tikonɔuru i ma tilala kini.

2

Yesu iurpe tomtom narapeɔna ta (Mt 9:1-8; Lu 5:17-26)

¹ Yesu imbotmbot su lele tina ma aigule pakan ilae, to imiili ma ila mini pa kar Kapenaum. Mi zin wal tileɔ uruunu kembei ni imiili ma imar imbotmbot ruumu kini, ² to tomtom boozomen timokor lela ruumu kini ma bok ma bok kat. Zin iwal biibi mete. Tabe tipakaala kataama ma zalan som. Yesu ikamam sua ki Anutu pizin, ³⁻⁴ mi tomtom paɔ tisiɔ tomtom narapeɔna ta ma timar be Yesu iurpe i. Tamen len zaala sa be tilela na som. Tana tikam narapeɔna tina mi tisala pa ruumu uteene, to tipetepis mi titu i ma isula ma indeeɔe kat Yesu kereene uunu. ⁵ Yesu ire wal tina urlaɔna kizin imbol kat. Tana iso pa tomtom narapeɔna tina ta kembei: “Tiziɔ, sanaana ku ta aɔreege kek.”[✧]

✧ **1:43-44:** Wkp 14:1+ ✧ **2:5:** Lu 7:48

⁶ Zin ngarŋan ki tutu pakan ta timbotmbot tana, tileŋ Yesu sua kini, to lelen iur pini ta kembei: ⁷ “Ai, to ti iso sua kembeia paso? Inga sa ipasaana sua pa Anutu na! Tomtom sa irao be ireege sanaana na som. Anutu itutamen ta irao.” ✧ ⁸ Mi Yesu, ni iute ngar kizin kek. Tana isu mi iso pizin. Iso: ⁹⁻¹⁰ “Parei ta leleyom iurur mi kakamam ngar boozo. Sua tanŋoi ta imarra be aŋso: Aŋso pa tomtom narapeŋana ti be aŋreege sanaana kini, som aŋso pini be burup ma imanŋa, mi ilek mburu kini, mi ipa ma ila? Mi leleŋ be niom kuute kat ta kembei: Tomtom Lutuunu, ni zaana be ireege sanaana kizin tomtom isu toono.” Iso sua tana ma imap, to iso pa tomtom narapeŋana tana ma iso: ¹¹ “Nio aŋso pu: Manŋa, lek mi ku, mi la pa ruumu ku.” ✧ ¹² To wal ta boozomen tikor maŋan pa narapeŋana tina, mi ni imanŋa ma ilek mi kini, mi ila lene. Mi zin iwal ta tire mos tina na, timurur pa Anutu mburaana mi tikam ngar boozo pa. Mi tipakur Anutu ma tiso: “Wai, ta munŋu mi imar na, tere mbulu sa ta kembei pasa zen.” ✧

Yesu iso pa Lebi ma ito i
(Mt 9:9-13; Lu 5:27-32)

¹³ To Yesu izem kar tina, mi ipiyaala mini pa tai Galilea ka peende. Mi iwal biibi ta tito i mi ziŋan tiwwa ma tila. ¹⁴ Iwwa ma ila, mi ire Alpeus lutuunu Lebi, ni tomtom ta iyyo takesŋana i, imbutultul su uraata kini muriini mi ikamam uraata. Yesu ire i, to iso pini. Iso: “Mar to yo.” Tana Lebi imanŋa, mi ito i ma ziŋan tila.

✧ **2:7:** Mbo 32:5; Yesa 43:25; 1Yo 1:9 ✧ **2:11:** Yo 5:8; Nŋo 3:6

✧ **2:12:** Mt 9:33

¹⁵ Kaimer to Lebi iso pa Yesu ziŋan nanŋaŋ kini be tila tikan kini isu ruumu kini. Mi wal pakan ta tiyyo takesŋan i mi wal sananŋan pakan, ta timar mi ziŋan tikanan kini ma timbotmbot. Pa wal ta kembei na, boozomen ta titoto Yesu. ¹⁶ Zin tutu kan pakan ta len ŋgar biibi pa tutu na, tire Yesu ziŋan zin wal ta tiyyo takesŋan i mi wal sananŋan tina tikanan kini ma timbotmbot, to timanŋa na tiso pizin nanŋaŋ kini. Tiso: “Wai, parei ta biibi tiom ziŋan zin wal sananŋan tina tikanan kini la mbata?” ✧ ¹⁷ Yesu talŋaana ikam la pa sua tana, to iso pizin ma iso: “Parei, tomtom ta iurpewe zin metenŋan i, ko ila pizin wal ta nin ambaimbaiŋan? Som. Ni ilala be iuulu zin wal metenŋan. Mi nio ta kembena. Aŋmar be aŋboobo wal ndeenenŋan na som. Nio aŋmar pizin wal sananŋan.” ✧

*Wiŋana pa mbulu ki kini ŋgalsekŋana
(Mt 9:14-15; Lu 5:33-35)*

¹⁸ Yoan ta ikamam yok pizin tomtom na, nanŋaŋ kini ziŋan nanŋaŋ kizin tutu kan tiŋgalseksek zitun pa kini kanŋana, bekenana matan iŋgal kat Anutu. Tana aigule ta na, wal pakan tila ki Yesu mi tiwi i ta kembei. Tiso: “Nanŋaŋ ki Yoan ziŋan nanŋaŋ kizin tutu kan, zin tiŋgalseksek zitun pa kini kanŋana bekenana matan iŋgal kat Anutu. Mi uunu parei ta nanŋaŋ ku tina titoto mbulu tana som?” ¹⁹ Yesu ipekel kwon ma iso: “Sombe tikam kini biibi pa ula popoŋana sa, inako parei pa wal ta timar pa kini kanŋana na? Ko lelen ipata mi tikan kini som? Som. Ko tikan. Pa tomooto ta iwoolo popoŋana na, ni imbotmbot raama zin, tana lelen ambai.

✧ **2:16:** Mt 11:19; Lu 15:1+ ✧ **2:17:** Lu 19:10; 1Tim 1:15

²⁰ Mi kaimer, ma sombe wal sa timar mi tikam tomtom ula kana tina ma izem zin, tona toroono bizin ko lelen ipata pini, mi tingalsek zitun pa kini kanjana.”

Zaala munḡuḡana irao igaaba zaala popoḡana na som

(Mt 9:16-17; Lu 5:36-39)

²¹ Yesu iseḡḡe sua kini mini ma iso: “Kawaala munḡuḡana ta imaraaza kek na, ko tesesekaala pa kawaala suruunu ta popoḡana i? Ina som. Kokena kawaala popoḡana suruunu iselul ma iwe musaari, to kawaala munḡuḡana tana imaraaza ma biibi kat. ²² Mi yok baen ta kembena. Ko tilij popoḡana isula baen putuunu munḡuḡana? Inako som tomini. Kokena baen popoḡana iti putuunu munḡuḡana, to imapaala mi baen borok su lene. Som. Baen popoḡana bela isula putuunu popoḡana.” ✧

Yesu ta imborro aigule potomḡana

(Mt 12:1-8; Lu 6:1-5)

²³ Indeeḡe aigule potomḡana ta kizin Yuda tabe keten su pa i na, Yesu ziḡan nanḡaḡ kini tiwwa pa zaala ta ila pa wit lene. Mi nanḡaḡ kini tiwwa ma tila, mi tikewe ḡonon pakan. ✧ ²⁴ Mi tutu kan pakan tire zin, to timanḡa mi tiso pa Yesu ta kembei. Tiso: “Ai re! Inḡi sa aigule potomḡana tabe ketende su pa i. Nanḡaḡ ku tina tikewe wit ḡonon paso? Pa mbulu ta kembei na, tutu inḡalsek pa.” ✧ ²⁵⁻²⁶ Yesu ipekel kalḡan ma iso: “Sua ta iso pa mazwaana ta king Dabit ziḡan wal kini petel

✧ **2:22:** Ngo 15:1-29; Ro 10:4; Ibr 8:13 ✧ **2:23:** Lo 23:25 ✧ **2:24:** Kam 20:10, 34:21

zin ma tiru zalan na, niom kapaata som? Sua tana iso ta kembei: Indeenje Abiatar iwe biibi kizin patoronjana kan na, Dabit ilela beeze ki Anutu mi ikan narabu potomjana ta tiurur la Anutu kereene uunu na. Narabu tana, ka ngalsekinjana. Pa tutu iso zin patoronjana kan men ta tirao be tikan. Mi som. Dabit ikam ma ikan, mi ikam pizin wal kini ma tikan tomini. Mi ka sua sa som.” ✧

²⁷ To Yesu iposop sua kini mi iso: “Aigule potomjana tabe ketende isu pa i, ina Anutu iur be iwe patajana pizin tomtom som. Ina, ni iur bekena iuulu zin. ✧ ²⁸ Tana aigule potomjana tabe ketende isu pa i, Tomtom Lutuunu ta imborro.” ✧

3

Yesu iurpe tomtom nama kaamanjana pa aigule potomjana

(Mt 12:9-14; Lu 6:6-11)

¹ Indeenje aigule potomjana toro tabe keten su pa i na, Yesu ilela lupjana muriini mini, mi tomtom nama kaamanjana ta, ni imbotmbot lela lupjana tana. ² Mi tutu kan pakan, zin tireudut Yesu, beso ni iurpe tomtom tina pa aigule potomjana, tonabe iwe le uunu be tingal mataana pa. ³ Tana Yesu iso pa tomtom nama kaamanjana tina ma iso: “Manga mi mender la iwal biibi matan.”

⁴ Tona iwi zin tutu kan ma iso: “Mbulu pareinjana ta ito kat aigule potomjana ka tutu. Takam mbulu ambainjana, som takam mbulu sananana? Tu'uulu zin tomtom, som tapasaana zin?” Yesu igiibi sua tina, mi zin len sua sa som.

✧ 2:25-26: 1Sam 21:4+; Wkp 24:5+ ✧ 2:27: Kam 23:12 ✧ 2:28: Kol 2:16-17

Timaane men. ✧ ⁵ Tona igeede zin raama keteene malmal. Mi tamen leleene ipata pizin tomini. Paso ngar kizin imbol kat. Irao titooro zin na som. To iso pa tomtom nama kaamaɲana tina ma iso: “Swooro nomom.” Beso iswooro namaana na ambai. ⁶ Tabe zin tutu kan tana timaɲga ma tizem lupɲana muriini, mi tila ma ziɲan zin wal ta tilae ki Erot na, tilup zin mi timbuuru Yesu kana be tipuni ma imeete. ✧

Iwal biibi tito Yesu
(Mt 12:15-16; Lu 6:17-19)

⁷ To Yesu ziɲan naɲgaɲ kini tizem lele tina, mi tisula pa tai Galilea. Mi iwal biibi ki Galilea, ta tito zin ma ziɲan tila. ⁸ Mi zin wal ta Yudea kan, Yerusalem kan, Idumea kan, mi zin wal pakan ta timbot Yordan pakaana mbaaga, mi lele pakaana ki kar Tiro mi Sidon na tomini, zin tileɲ Yesu uruunu pa uraata bibip ta ni ikamam ma iwedet na, to timap ma tila be tire i. ⁹ Yesu ire zin wal biibi tana, to iso pizin naɲgaɲ kini be tire le woɲgo sa be ise. Kokena iwal biibi tisala pini. ¹⁰ Pa ni iurpe zin metenɲan boozo ma nin ambai kek. Tana wal metenɲan boozomen tizorzooro ma tipusuksuk zin tomtom be tila tigarau i mi titegi.

¹¹ Mi zin bubuɲana sananɲan tire i na, titoptop su kumbuunu uunu, mi kalɲan izalla ma tiso: “O biibi, nu Anutu Lutuunu tau!” ✧ ¹² Tamen Yesu iɲasaara zin mi ipeteke zin be tiswe i pizin tomtom pepe.

✧ **3:4:** Lu 14:3 ✧ **3:6:** Mt 22:15+; Yo 5:16 ✧ **3:11:** Mk 1:24,34; Lu 4:41; Nɲgo 19:15

*Yesu ipeikat nanḡaḡ laamuru mi ru ma tiwe lene
(Mt 10:1-4; Lu 6:12-16)*

¹³ Kaimer to Yesu iwwa ma isala abal ta, mi iḡoḡo tomtom pakan ta ni leleene iur pizin na, ma tila kini. ¹⁴⁻¹⁵ To ipeikat tomtom laamuru mi ru be tigaabi ma ziḡan tiwwa, mibe iḡḡo zin ma tila tisoyaara Anutu sua kini. Mi ikam len mburan be tiziiri bubuḡana sananḡan pizin tomtom.

¹⁶ Zin laamuru mi ru ta ni iur zin pa uraata na, zan ta kembei: Simon (ni, Yesu ipaata zaana toro be Petrus), ¹⁷ Yems ziru tiziini Yoan (wal ru tina, Zebedi lutuunu bizin. Mi zan toro tipaata tisombe Boanerges. Zaana tana ka uunu ta kembei: ‘Lolo lutuunu bizin’.) ✧ ¹⁸ To Andreas, Pilip, Batolomai, Matai, Tomas mi Yems toro, ta Alpai lutuunu i, Tadeus, Simon (ni igabgaaba zin wal ta tisombe tikam malmal pa Rom mi tiziiri zin na), ¹⁹ mi Yudas Iskariot ta kaimer iur Yesu ila ka koi bizin naman.

*Tiso Yesu ikam Sadan mburaana
(Mt 12:22-32; Lu 11:14-23, 12:10)*

²⁰ Tona Yesu ila ma ilela ruumu ta. Mi wal boozo ta tila timokor la kini mini. Tabe ziḡan nanḡaḡ kini tirao be keten su mi tikan kan kini na som. ✧ ²¹ Mi indeeḡe Yesu tiziini bizin tileḡ uruunu, to tila be tikiskisi. Pa tiso ko ḡar kini ikankaana. ✧

²² Mi zin ḡarḡan pakan ki tutu ta timbot Yerusalem mi timar na, tiḡal sua pini ta kembei. Tiso: “Belsebul, biibi kizin bubuḡana sananḡan ta izeebi mi ipombolmboli, tanata ni le mburaana be iziiri zin bubuḡana sananḡan.” ✧

✧ **3:17:** Lu 9:54 ✧ **3:20:** Mk 6:31 ✧ **3:21:** Yo 7:5, 10:20

✧ **3:22:** Mt 9:34

²³ To Yesu iboobo zin ma timar kini, mi ikam sua toorojana ti pizin. Iso: “Lak, ko Sadan iur koi pa itunu wal kini mi iziiri zin?” ²⁴ Parei, lele sa, sombe ka tomtom bizin tibalak zitun mi tiparkam malmal pizin, ko timbot ambai? Som. ²⁵ Mi sombe ruumu sa ka tomtom bizin tiparwe kan koi mi tiporrou, ko ruumu tana irao be imbot? Som. ²⁶ Tana Sadan ta kembena. Sombe iur koi pa itunu mi wal kini mi tiparkamam malmal pizin, inako zaana mi mburaana imap.

²⁷ “Parei, ko tomtom sa irao be ilela sorok ruumu ki tomtom ta ni mburaana biibi na, mi iyo mburu kini? Som. Bela ipun ruumu katuunu ma mburaana imap mi ipo namaana mi kumbuunu, tonabe iyo koroŋ kini ta boozomen. ✧ ²⁸ Nio aŋso kat piom ta kembei: Sanaana ta boozomen kizin tomtom, mi sua sananjan boozomen ta tiwirri pa Anutu, inako Anutu irao ireege pizin. ²⁹ Tamen sua sananjana ta so tipiri pa Bubunjana Potomjana, inako Anutu ireege pizin na som. Som ma som kat. Ko imbotmbot ma alok.” ✧

³⁰ Yesu iso sua tana pizin paso, zin tisombe bubunjana sananjana ta izeebi.

Yesu naana mi toŋmatiziŋ kini

(Mt 12:46-50; Lu 8:19-21)

³¹ Tona Yesu naana mi tiziini bizin timar ma timbot mat, mi tiso lela pini be ipet ma zin tire i.

³² Tana Yesu imbotmbot lela iwal biibi lelen, mi sua ikami ta kembei: “Ai, nom ma tizim bizin ta timar timbotmbot mat a. Tiso tire u.” ³³ Tamen Yesu ipekel kwon ma iso: “Anaj ma tiziŋ bizin

✧ **3:27:** Kol 2:15; 1Yo 3:8, 4:4; Tur 20:2 ✧ **3:29:** Mt 12:31+; Lu 12:10; Ibr 10:26+

ziŋoi?” ³⁴ Tona mataana ikam zin wal ta tiliu i, mi iso ta kembei: “Kere. Wal ti ta nio anañ ma tiziŋ bizin. ³⁵ Pa wal ta so tileŋleŋ la sua ki Anutu mi titoto, ina zin ta ko tiwe nio anañ mi tiziŋ mi luŋri bizin.” ☆

4

Sua tooroŋana pa kini iweniwen tiyaaraŋana (Mt 13:1-9; Lu 8:4-8)

¹ To Yesu ipera pa tai Galilea ka peende, mi imañga mini be ikam sua ki Anutu pizin tomtom. Mi iwal biibi ta timokor la kini. Tana iru zalaana ma som, to ilu i se woongo ma mbuleene isu, mi tipusuki ma iperae ŋana ri. Mi iwal biibi tana timaramraama su peende mi tiur talŋan pa sua kini. ² Mi Yesu ipaute zin pa koroŋ boozomen ila sua tooroŋan. Ni iso pizin ta kembei: ³ “Kuŋgun talŋoyom mi kelenj. Lwoono ta na, tomtom ta, ni ikam kini iweniwen, mi ila mokleene kini be itiyaara. ⁴ Itiyaryaara ma ila na, pakan titoptop su zaala keteene. Mi man timar ma tire su pa, to tiŋa kan ma tila. ⁵ Mi pakan na, titoptop su toono ta raŋ biibi imbot meleebe na. Tana tisula kat toono leleene som, mi karau men mi tindomdom. ⁶ Beso zoŋ ise ma mataana kat, to run imelle ma timet-meete. Paso, uranuran isula kat toono leleene som. ⁷ Mi pakan na, titoptop su toono pakaana ta worwooro matanmatanŋan tindomdom pa i. Beso worwooro tindom na, tikaukau kini tana ma isaana. Tabe kini iweniwen tana tipiyooto ŋonoono som. ⁸ Mi pakan na, titoptop su toono pakaana ta ambaiŋana. Tana tise to, titum ambai

☆ **3:35:** Yo 15:14; Ro 8:29; Ibr 2:11+

ma tipiyooto ŋonoono. Kiini pakan tipiyooto ŋonon boozo, pakan boozo kat, mi pakan boozo ma ilip.”

⁹ Yesu iso sua tana ma imap, to ipombol ta kembei: “Niom so talŋoyom, na kelenj sua ti mi kakam ŋgar pa.”

*Uunu ta Yesu ikamam sua ila sua tooroŋan
(Mt 13:10-17; Lu 8:9-10)*

¹⁰ Kaimer ma zin iwal biibi tila len mana, Yesu zinjan nanŋan kini laamuru mi ru mi wal pakan, zin men timbotmbot. To zin tiwi i pa sua kini tooroŋan. ¹¹ Mi ni iso pizin ma iso: “Peeze ki Anutu na, ka ŋgar turkenjana. Mi iŋgi Anutu isombe ipeeze ŋgar tana ma imbot mat piom. Mi zin wal ta timbot lela peeze ki Anutu leleene som na, tilenlenj sua kini ila sua tooroŋan men.

¹² Kokena titooro lelen mi Anutu ireege sanaana kizin.

Tanata tirre pa matan, tamen tikilaala som.

Mi talŋan ilenlenj, tamen tikam ŋgar pa ka uunu som.”✧

Yesu ipeeze sua ta ni itooro pa kini iweniwen tiyaaranjana

(Mt 13:18-23; Lu 8:11-15)

¹³ To Yesu iwi zin ma iso: “Niom sombe kakankaana pa sua ti ka uunu, inako kikilaala sua tooroŋan pakan kan un be parei? ¹⁴ Kini iweniwen ta tomtom tana itiyaryaara, ina Anutu sua kini.✧

¹⁵ Kini iweniwen ta titoptop su zaala keteene na, ina ise kizin wal ta tilenj sua ki Anutu, mi karau men Sadan imar mi itatke sua tana pizin. ¹⁶ Mi kini iweniwen pakan ta titoptop su toono ta ran

✧ **4:12:** Yesa 6:9+; Yo 12:40; Nŋo 28:26+; Ro 11:8 ✧ **4:14:** 1Pe 1:23

biibi imbot meleebe na, ina ise kizin wal ta tileŋ sua ki Anutu, mi loŋa men tikan la mi menmeen zin pa. ¹⁷Tamen sua tina isula kat lelen som. Tana tiurla mazwaana rimen, mi sombe pataŋana sa indeeŋe zin, som wal pakan tiseeze matan pa uunu tau titoto sua ki Anutu, to karau men mi tizem urlaŋana kizin. ¹⁸Mi kini iweniwen ta titoptop su toono pakaana ta worwooro matanmatanŋan tindomdom pa i, ina ise kizin wal ta tileŋ Anutu sua kini. ¹⁹Tamen tikam ŋgar biibi mete pa pataŋana ta izze kizin i, mi koron matakiŋa ki toono ipalpaala matan, ma lelen ilip pa koron pakan. Tabe koron soroksorok tina ikaukau zin, ma urlaŋana kizin ipiyooto ŋonoono ambaiŋana sa som.✧ ²⁰Mi toono pakaana ambaiŋana ta kini iweniwen pakan titoptop su pa na, ina ise kizin wal ta tileŋ Anutu sua kini, mi tikam ma imbol pizin. Tabe urlaŋana kizin ipiyooto ka ŋonoono. Pakan tipiyooto uraata ambaimbaiŋan boozo, pakan boozo kat, mi pakan boozo ma ilip.”✧

Sua tooroŋana pa lam
(Lu 8:16-18)

²¹Yesu iso mini ma iso: “Parei? Sombe tutun lam sa, ko tuur lela mbalia kopo mbarmaana, som tukutunkaala pa timbiiri? Som. Iti tuurur se kor.✧ ²²Tana koron turkeŋan, inako kaimer tiswe ma ipet mat. Mi koron zukŋan, inako kaimer tipeeze ma borok su.✧ ²³Niom so talŋoyom, na kelen sua tio ti mi kakam ŋgar pa.”

✧ **4:19:** Mt 19:23+; Lu 12:15; 1Tim 6:9,17; 1Yo 2:15+ ✧ **4:20:** Yems 1:25 ✧ **4:21:** Mt 5:15; Lu 11:33 ✧ **4:22:** Mt 10:26; Lu 12:2

24 Mi Yesu iso pizin mini ma iso: “Sua ta niom kelenjen i, na kakam kat ngar pa. Pa mbulu parejñana ta so kakam pa sua tana, inako kere ka pekeljñana, mi ko ilip.”[☆] 25 Pa tomtom ta so ikam ngar pa sua ki Anutu, mi ikam ka uraata, inako Anutu ikam le ngar pakan ma isala ki. Tamen ni ta ikam ngar pa som, mi ikam ka uraata som na, ngar kini musaari tina, Anutu kola itatke pini.”[☆]

Yesu itooro sua pa kini iweene ta indom ma ise

26 Yesu iso mini ma iso: “Peeze ki Anutu na, ka mbulu kembei ta tomtom ta. Ni ikam kini iweniwen ma itiyaryaara isu mokleene.”²⁷⁻²⁸ Itiyaara makinj, to imbotmbot mi iurur mataana pa toono be ikam ma kini indom ma ise mi ipiyooto njonoono. Tana ni ikenne pa mbenj, mi iloulou pa aigule, mi toono itunu iputum kini tina. Mi mbulu tabe kini itum pa i, ina ni iute som. Loja men mi ber ma ise, to iur kiini ma isala, iur ruunu, to njonoono.[☆] 29 Mi sombe njonoono irao pa kanjñana mi mai ka nol ipet, na katuunu ko injo zin uraata kan ramaki buza ma tila tiyembut, mi tiyo ma tila ruumu kini.”[☆]

Yesu itooro sua pa zeere mastet

(Mt 13:31-34; Lu 13:18-19)

30 Yesu ikam sua toorojñana mini mi iso ta kembei: “Peeze ki Anutu na, ka mbulu parejñana? Ko anso se ki sokorei, to kakam ngar pa?”³¹ Ina kembei ta mastet iweene. Koronj tina na, somto kat pa koronj iweniwen ta boozomen isu toono ti.³² Tamen sombe tapaaaza sula toono, na indom ma

☆ 4:24: Mt 7:2; Lu 6:38 ☆ 4:25: Mt 13:12, 25:29; Lu 19:26

☆ 4:27-28: Yems 5:7 ☆ 4:29: Tur 14:15+

ise, mi isala ma ilip pa zin zeere pakan ma iwe kembei ta ke i. Mi iur namannaman bibip ma iur narenren pizin man tabe tipo len ngini sala.”[✧]

³³ Tana Yesu ikam sua ki Anutu ila sua tooroŋan boozomen ta kembei. Pa isombe ikam sua ta irao pa ngar kizin bekena tileŋ mi tikam ngar pa.

³⁴ Tana iwal biibi na, ni ikamam sua tooroŋan men pizin. Mi sombe ziŋan nanŋaŋ kini men timbotm-bot, tona iwesweeze sua uunu ta boozomen pizin.

Yesu ipunmeete miiri ma duubu

(Mt 8:23-27; Lu 8:22-25)

³⁵ Timbotm-bot ma rou, to Yesu iso pizin nanŋaŋ kini ma iso: “Ayo, tamanga mi takam woŋgo ma talae mbaaga.” ³⁶ Tana tizem zin iwal biibi tina ma timbotm-bot, mi nanŋaŋ kini tiyo zin se woŋgo ta Yesu imbotm-bot sala na, ma tila. Mi woŋgo pakan tomimi tigaaba zin ma ziŋan tila. ³⁷ Tila lukutuunu, to miiri ipol ma mburaana, mi ipei duubu ma ise. Tabe ikam ma lele isaana kat, mi tai borokborok sula woŋgo leleene mabe woŋgo imon. ³⁸ Mi Yesu, ni iur uteene se kiliigi mi ikenne ta woŋgo mbuleene a. Tana nanŋaŋ kini tipai i mi tiso: “Wae, mos katuunu, re iti! Ingi be tomon i!”

³⁹ To Yesu imanga mi inasaara miiri. Mi iso pa duubu: “Hai! Ur nim. Pol mini pepe!” Tona miiri imap mi taun biibi isu. ⁴⁰ To Yesu iso pizin nanŋaŋ kini ma iso: “Komoto sorok paso? Uraŋana tiom imbol zen?” ⁴¹ To motoŋana biibi ikam zin ma tikam ngar boozo. Mi tiparso sua pizin ma tiso: “Wai, to ti ni pareiŋana, ta miiri ma duubu tomimi tileŋleŋ la kaljaana?”[✧]

✧ 4:32: Mt 24:14 ✧ 4:41: Mbo 65:7, 89:9, 107:29

5

*Yesu iziiri bubuḡana sananḡan pa tomtom ta
(Mt 8:28-34; Lu 8:26-39)*

¹ Yesu zinḡan nanḡanḡ kini tila tipet lele pakaana kizin Gerasa, ta imbot la tai pakaana mbaaga na. ²⁻³ Yesu izem woḡḡo mi ilu i su peende na, tomtom ta ikonḡuru i ma imar. Tomtom tana bubuḡana sananḡana ikami ma imbotmbot lela raḡ sumbunsumbun ta tiurur zin wal meeteḡan lela i. Mi tomtom tirao be tikiskisi mi tipo i na som. ⁴ Pa titomtoombo be tipo kumbuunu ma namaana pa re mi sen na, ni iyatutut zin mi iko ma ila ne. Tana tomtom tirao be tiyaraami na som. Pa ni mburaana ilip kat. ⁵ Ni ra, ikennekaala mataana som. Mbeḡ ma aigule na, iwwa le sorok pa su, mi imbotmbot ta zin meeteḡan murin ma iyakyak mi itartaara itunu pa pat.

⁶ Ni imbot molo mi mataana ila na ire Yesu. To iloondo ma ila itop su kereene uunu. ⁷⁻⁸ Tona Yesu iso pa bubuḡana sananḡana tana be iyooto pa tomtom tana. Tabe ni iboobo se pini ma iso: “Aii, Yesu, Anutu kor kana Lutuunu, inḡi ko kam parei pio? Nio aḡtaḡroro u pa Anutu zaana, seeze motoḡ pepe!” ✧ ⁹ To Yesu iwi i. Iso: “Ai, nu zom asiḡ?” Mi ni ipekel ma iso: “Nio zoḡ Legion. * Pa niam ta iwal kat.”

¹⁰ To bubuḡana sananḡana tina itaḡroro i be iziiri zin pa lele tana pepe. ¹¹ Lele tana na, nḡe uunu biibi kat ta tikanan sala abal zilḡaana ma timbotmbot. ¹² Tana bubuḡana sananḡan tina tiso pini ma

✧ **5:7-8:** Mt 25:41; Mk 1:24; Yems 2:19 * **5:9:** Wal zaaba kan 6,000 na, tipaata zin be ‘legion.’

tiso: “A, yok piam ma amla amloondo pizin nge tingga.”

¹³ Ni iyok pizin, tona tiyooto pa tomtom tana mi tila tiru pizin nge. Nge uunu tana biibi kat, kembei munjaana ru (2,000) ma inji. To zin nge tana tiko, mi tiparkamtoto zin ma tila pa yok tatiliujana kezeene, to tizirir pa dogo ma tisula, mi tiwin katkat yok ma timetmeete lup.

¹⁴⁻¹⁵ Zin tomtom ta timborro nge nan i, tire mbulu tina, to tiko ma tila mi tizzo uruunu pizin tomtom ta boozomen ma irao kar ma ila. Tabe tomtom timeke ma tila be tire kat mbulu ta ipet na. Tipet ki Yesu na, tire tomtom ta munju bubujana sananjan boozomen tizeebi na, ngar kini ambai mini, mi iurpe runguunu ma ambai, mi imbutultul ma imbotmbot. Wal tana tire i na, motojana biibi ikam zin. ¹⁶ Mi zin wal tau timbotmbot ma tire kat mbulu ta Yesu ikam pa tomtom tina mi zin nge na, tipit mbol pa ma iwal tilej. ¹⁷ Tona iwal tana timanja mi timanja Yesu be izem lele kizin, mi ila pa lele pakaana toro sa. ¹⁸ Tana Yesu ila ma ise woongo mini. Beso ila na, tomtom tana ikam biluunu be zinan tila. ¹⁹ Tamen Yesu iyok pini som, mi iso pini ta kembei. Iso: “Miili ma la kar ku, mi so zin tonmatizij ku pa mbulu ta Anutu ikam pu na. Pa ni imujai u mi ikam uraata biibi pu.” ²⁰ Tana tomtom tina ila, mi isoyaara sua pa uraata biibi ta Yesu ikam pini na isu kar ta boozomen ta imbot lele pakaana ki Dekapolis na. Mi wal boozomen ta tilej sua kini na, timurur pa Anutu mburaana. Tikam ngar pa ma tirao som.

Yesu iurpe moori ta, mi ipei Yairus lutuunu

*moori ma imanja mini**(Mt 9:18-26; Lu 8:40-56)*

²¹ Yesu zijaŋ nanŋaŋ kini tikam woŋgo, mi timi-ili ma timar mini pa tai pakaana mbaagi, to zin iwal biibi timar ma timokor la kini su peende, mi zijaŋ timbotmbot. ²² Mi mboronŋan ta ki lupŋana muriini, zaana Yairus, ni ila ipet ki Yesu, mi itop su kumbuunu uunu, ²³ to itaŋroro i ma iso: “O biibi, lutuŋ moori ra, mete biibi ikami mabe imeete. Mar ruumu tio ma nomom isalakaali, bekenanini ambai mini. Kokena imeete.”

²⁴ Tana Yesu imanja mi ziru tipa ma tila. Mi iwal biibi ta tikuuti mi tiparzalla pizin ma zijaŋ tila. ²⁵ Tiwwa ma tila na, tindeenje moori ta. Ni, mete kizin moori ikami ma ikisi pa ndaama laamuru mi ru kek. ²⁶ Ni ilala kizin tomtom ta tiurpewe zin metenŋan i, mi ire yoyouŋana biibi ila naman, mi ipasaana koronŋ kini ta boozomen pizin bekenan tiuuli. Tamen tikam, na som. Mete kini tana ipasaani mabe isaana kat. ²⁷ Moori tana ileŋ Yesu uruunu kek. Tana itokelkeeli ma ila be iteege mburu kini. ²⁸ Pa ikam ŋgar ta kembei: “Oo, sombe anteege lae pa mburu kini koronŋana risa, to mete tio imap.”

²⁹ Beso iteege na, iyamaana itunu kembei mete kini imap ma niini ambai. ³⁰ Mi indeenje tana, Yesu iyamaana itunu kembei mburaana ri izemi. Tana mataana imiili pizin iwal biibi tana mi iwi zin. Iso: “Asiŋ ta iteege mburu tio?” ✧ ³¹ Mi nanŋaŋ kini tipekel kwoono ma tiso: “Nu wi paso? Zin iwal biibi ta tizalla piti i, motom ma re zin som?” ³² Tamen Yesu mata rru tomtom ta iteege na.

✧ 5:30: Lu 6:19

³³ Beso moori tina iyamaana itunu kembei mete kini imap na, motoŋana ikami mi kete kutkut. To ikonuru Yesu ma ila itop su kereene uunu, mi iswe mbulu ta ipet pini na. ³⁴ Tana Yesu iso pini. Iso: “O luŋri, urlaŋana ku ta iuulu u ma nim ambai. La raama lelem ambai. Pa pataŋana ku ta imap kat.”

☆

³⁵ Yesu izzo sua pa moori tina ma imbotmbot, mi wal ta timbot Yairus ruumu kini na, tikam lutuunu moori uruunu ma timar, mi tiso lae pa Yairus. Tiso: “Ou kolman, segeede sorok tomtom biibi tana ma ila ruumu ku pepe. Pa lutum moori ipas kek.” ³⁶ Tamen Yesu ileŋ sua ta tiso pa Yairus na, iso pini ta kembei: “Moto pepe. Kis urlaŋana ku. Pa nio aŋbotmbot.” ³⁷ To iso pizin iwal biibi be timbot, mi ikam Petrus ziru Yems mi tiziini Yoan men ma ziŋan tila. ³⁸ Tiwwa ma tila tipet ruumu ki Yairus. Mi Yesu ileŋ tiŋiizi biibi izalla, mi ire zin wal tizzu ma tizze, ³⁹ to ilela ruumu leleene mi iso pizin. Iso: “Parei ta katanŋan ma koyo orooro biibi ma kembei? Morri tana, ni imeete som. Inga sa ikeene na.” ⁴⁰ Zin tileŋ sua kini tana na, tiseŋge pini. Tana iziiri zin ma tiyooto lup. To ikam morri tana tamaana ma naana, mi nanŋan kini tel tina, mi ziŋan tilela ruumu leleene ta morri ikenne pa na. ⁴¹ To Yesu iteege su pa namaana mi iso: “Talita kum!” (Sua ti ka uunu ta kembei: ‘Morri, nio aŋso pu: manga!’) ☆ ⁴² To ni burup ma imanga mi iwwa pataŋa. Morri tina, ka ndaama laamuru mi ru. Zin wal ta tire mos tina na, tiŋa naman. Paso, tikam nŋar pa ma tirao som. ☆ ⁴³ Mi Yesu inŋalsek

☆ **5:34:** Mk 10:52; Lu 7:50, 17:19; Ngo 14:9 ☆ **5:41:** Lu 7:14

☆ **5:42:** Yo 5:21, 11:43; Ro 4:17

pizin be tiso uruunu pa tomtom sa pepe. Tona iso pa tamaana ma naana be tikam lutun moori ka kini ma ikan.

6

*Zin Nasaret kan tiurla ki Yesu som mi tirepiili i
(Mt 13:53-58; Lu 4:16-30)*

¹ Yesu izem lele tana, mi imiili ma ila pa itunu kar kini. Mi nanḡaḡ kini tito i ma ziḡan tila.

² Indeeḡe aigule potomḡana tabe keten su pa i na, Yesu ilela lupḡana muriini mi ikamam sua ki Anutu pizin tomtom. Mi wal boozomen ta tilenḡ sua kini na, timurur pa ḡgar kini ma tiso: “Wai, to tiḡi ikam mbulu boozomen tiḡi be parei? Asinḡ ipaute i, ta le ḡgar biibi ta kembei? Mi parei ta ni irao ikam mos bibip ta kembei? ☆ ³ Ni kar toro sa bekena takankaana pini? To ti, ni tomtom ki iwwo ruumu tau. Naana Maria, mi tiziini bizin Yems, Yose, Yudas, mi Simion, ziḡan lunuri bizin, ta niamḡan ambotmbot i.” Tana tirepiili i mi tiurla kini som. ☆ ⁴ Tabe Yesu iso pizin ma iso: “Anutu kwoono sa, sombe ikam uraata su itunu kar kini, nako wal kini mi toḡmatiziḡ kini matan pasomi. Mi sombe ila lele toro, nako len ḡger pini mi tiwit uruunu.” ☆

⁵ Tana Yesu irao be itooro mos biibi sa isu tana na som. Tamen namaana isalakaala zin metenḡan tataḡa ma nin ambai. ⁶ Mi ikam ḡgar boozo pa zin wal kini. Parei ta tiurla kini som?

*Yesu inḡo nanḡaḡ kini laamuru mi ru ma tila pa
uraata
(Mt 10:5-15; Lu 9:1-6)*

Tona Yesu imanga ma izem kar kini, mi iwwa pa kar ta boozomen mi ikamam Anutu sua kini pizin tomtom. ⁷ Mi ilup nanḡaḡ kini laamuru mi ru, mi iur zin se ruḡa pa uraata, be tila ma tiziiri bubuḡana sananḡan. ⁸⁻⁹ Mi iur sua pizin be tila na, tipa raama mburu boozo pepe. Irao tikam kini pepe, pelpeele pepe, pat pepe, mi mburu keeneḡana pepe. Tiur kumbun keteene mi titeege len tete men be tipa pa. Ina irao. ¹⁰ Mi iso pizin ta kembei. Iso: “Niom sombe kala pa kar sa, mi tikam yom ma tiur yom pa ruumu tasa, na kombotmbot ruumu tina men ma irao kezem kar tana. ¹¹ Mi sombe kar sa tileḡ yom som, mi titit yom, na kitirke ululu kizin pa kumbuyom ma isu lene, mi kezem zin ma kala leyom. Naso iwe kilalan pizin pa sanaana kizin.” ✧

¹² Tana nanḡaḡ kini tila mi tizzoyaryaara sua pizin tomtom boozomen be tizem sanaana kizin mi titooro lenen. ¹³ Mi tizirziiri bubuḡana sananḡan boozomen pizin tomtom, mi tizulzuulu ḡgere ise zin metenḡan kulin, mi tiurpewe zin ma nin ambai. ✧

*Yoan ta yok kamḡana ka tomtom na imeete
(Mt 14:1-12; Lu 9:7-9)*

¹⁴ Yesu uruunu ila ma irao lele ta boozomen kek. Tabe king Erot, ni ileḡ uruunu tomini. Pa tomtom pakan tiso ta kembei: “Inḡa ko Yoan som? Tomtom ta muḡu ikamam yok pizin iwal, mi imeete ma ila, ta inḡa burup ma imanga mini a. Tanata le mburaana biibi kat.” ✧ ¹⁵ Mi pakan tiso: “Soom. Inḡa Anutu kwoono Ilia ta imiili ma imar mini a.”

Mi pakan tiso: “E-e. Inga ko Anutu kwoono toro sa, raraate kembei ta Anutu kwoono bizin ta munju tikamam uraata na.” ✧

¹⁶ Mi Erot ileŋ Yesu uruunu na, iso: “Inga ko Yoan tau. Tomtom ta anpuni ma imeete, ta imanja mini ma imbotmbot a.” ¹⁷⁻²⁰ Ni iso ta kembei paso, ikam ngar pa mbulu ta munju ikam pa Yoan na. Mbulu ta kembei: Munju Erot iwoolo kana toono Pilip kusiini, zaana Erodias. Tana Yoan ila ki Erot, mi iyaambi ma iso pini ta kembei. Iso: “Mbulu ta kam pa tom Pilip kusiini, ina nu molo pa tutu.” ✧

Sua tana ikam ma Erodias keteene malmal pa Yoan. Tana iru zaala be ipuni ma imeete. Tamen itoombo ma som. Paso, Erot ire Yoan kembei ni tomtom ndeeŋeŋana mi tomtom potomjana ki Anutu. Tana imoto i, mi ipeteke waene be ipasaani pepe. Mi iso ma tikam Yoan ma tila tipo i, mi tiuri lela ruumu sanaana ma imbotmbot. Yoan imbotmbot lela ruumu sanaana leleene, mi ikamam sua pa Erot. Mi indeeŋe ta Erot ileŋleŋ sua kini na, dadaru ikamami pa. Tamen ni leleene be ileŋleŋ men.

²¹ Timbot ma kaimer to zaala ipet pa Erodias be ipun Yoan. Indeeŋe Erot mbeŋ kini na, ni ikam kini biibi, mi ilup zin wal ta timunju munju pa uraata kini na, raama zin bibip kizin malmal kan mi zin peeze kan ki Galilea be ziŋan tikan kini mi menmeen zin. ²² To Erodias lutuunu moori ilela ruumu leleene, mi irak su keren uunu ma ambai kat. Tabe ipas Erot ziŋan zin wal tina keten. Tana Erot isu mi iso: “Wai, sokorei sa ta nu sombe wi yo pa, na nio ko ankam pu!” ²³ To ipombol sua

✧ **6:15:** Mt 16:14; Yo 4:19, 9:17 ✧ **6:17-20:** Wkp 18:16

kini ma imbol kat. Iso: “Nonoono kat, sokorei sa ta nu sombe wi yo pa, na nio ko anjam pu men tau. Sombe lelem be anpeete koronj tio ta boozomen, ramaki toono taingj ta anborro na, ma pakaana iwe lem, nako anjam ta kembei!”

²⁴ Erot iso sua tana, to morri tina iyooto ma ila, mi iwi naana. Iso: “Parei, ko anwi pa leŋ sokorei?” Naana ipekel kaljaana ma iso: “Wi pa Yoan ta yok kamjana ka tomtom na, uteene.” ²⁵ Tana ni iloondo ma ila ki Erot mini mi iso: “Nio leleŋ be yambut Yoan ta yok kamjana ka tomtom na ngureene ta buri, mi uteene isula timbiiri, mi kam pio.”

²⁶ King Erot ileŋ sua tina na, leleene ipata biibi kat. Tamen irao be itit kaljaana na som. Pa ipombol sua ma iso nonoono kat isu wal biibi tina keren uunu ma tileŋ kek. ²⁷⁻²⁸ Tana loŋa men mi ingo menderjana kini ta ma ila pa ruumu sanaana, be iyambut Yoan ngureene mi ikam uteene ma imar. Menderjana tana ila ma iyambut Yoan ngureene makinj, to ikam uteene mi iur sula timbiiri, mi ikam ma imar, mi iur la ki morri tina. To ni ikam ma ila ki naana.

²⁹ Indeeŋe nanŋaŋ ki Yoan tileŋ Yoan uruunu na, tila ma tikam putuunu, mi tila titwi i lela raŋ sumbuunu.

Yesu iputu tomtom munjaana lamata (5,000)

(2Kin 4:42-44; Mt 14:13-21; Lu 9:10-17; Yo 6:1-14)

³⁰ Kaimer to Yesu ngonjana kini timiili ma ziŋan Yesu tilup mini, mi tisotaari pa uraata mi sua boozomen ta tikam pizin tomtom na. ☆ ³¹ Mi

☆ **6:30:** Lu 10:9+, 10:17

iwal biibi timarmar ma tilala. Tabe Yesu ziŋan nanŋaŋ kini tirao be keten su ma tikan kan kini na som. Tana Yesu iso pizin ta kembei: “O nanŋaŋ tio, kamaŋga ma tala lele bilimŋana sa bekena iti men tombotmbot mi ketende su ri.” ☆ 32 Tana tila ma tise woŋgo ta, mi tisombe zin men tila len toono pakaana sa ta ka tomtom somŋana. 33 Tamen woŋgo ikowo ma ila, mi iwal tire la pizin mi tikilaala zin. To tiloondo pa peende ma tikonzaala zin mi timuunŋu ma tila tizza zin.

34 Yesu ziŋan nanŋaŋ kini sor lela peende na, ire zin iwal biibi tana ma leleene isaana pizin. Pa ire zin kembei sipsip ta len mboronŋan sa som mi timbot sorok. Tabe imaŋga mi ikam sua ki Anutu pizin mi ipaute zin pa koronŋ boozo. ☆ 35 Timbotmbot ma lele be rorou, to nanŋaŋ kini tila kini mi tiso pini. Tiso: “Lak, iŋgi rou kek mi tombot lele ta ka kini somŋana i. 36 Tana so pizin wal be tila pa kar ta koloulounŋan i ma tinŋiimi kan kini.”

37 Yesu ipekel kwon ma iso: “Soom. Niom ituyom kakam kan kini ma tikan.” Mi zin tipekel kwoono ma tiso: “Wai, mi niam leyam pat denari 200 sa be angiiimi iwal biibi ti kan kini? Wal ti sorok?” ☆ 38 Mi Yesu iso pizin ma iso: “Kala kere. Koyom narabu piizi ta imbotmbot?” Tana tila tire, to timiili ma timar, mi tisotaari ta kembei: “Iŋgi ye luluunu tamen, mi narabu lamata ti.” 39 To Yesu iur sua pizin nanŋaŋ kini be tila mi tiso zin iwal biibi tana be mbulen isu mbutmbuutu mi timbot la utumbuunu. 40 Tana zin mbulen su mi timbot la utumbuunu. Uunu pakan na, tomtom kembei

☆ 6:31: Mk 3:20 ☆ 6:34: Mt 9:36 ☆ 6:37: Yo 6:7

tomto lamata, mi uunu pakan na, tomtom kembei tomtooru laamuru.

⁴¹ Tona Yesu ikam narabu zaraaba lamata mi ye luluunu ta tana, mi mataana isala kor mi isun pa. To itete narabu mi izarra la kizin nanḡaḡ kini, mi tila ma tirai pizin tomtom. Mi ye ru tina tomini, ina ni iyapalpaala mi izarra la kizin, mi zin tila tirai pizin tomtom ta boozomen. ⁴² Mi tomtom boozomen tina tikan ma kopon isaana. ⁴³ Mi narabu mi ye surunsurun ta imbotmbot na, nanḡaḡ kini tiyogeege sula kiri laamuru mi ru ma bokbok. ⁴⁴ Wal ta tikan narabu tana na, tinin zin tomooto men ma tirao kembei munḡaana lamata (5,000).

Yesu ipa se tai

(Mt 14:22-33; Yo 6:15-21)

⁴⁵ To loḡa men mi Yesu iur sua pizin nanḡaḡ kini be tise woḡḡo mi timuunḡu ma tila pa kar Betsaida ta imbot tai pakaana mbaaga na. Mi ni itunu imbot ma iur zin iwal biibi ma tila len lup. ⁴⁶ Tona imiili na isala pa abal ta be imbot mi isun. ✧ ⁴⁷ Mbeḡ na, woḡḡo ila ma ipeete tai lukutuunu kek. Mi Yesu itutamen ta imbotmbot toono uunu. ⁴⁸ Ni ire la pizin nanḡaḡ kini na, kembei tiseebe miiri mi mburan papiriizi pa puze. Ni imbotmbot ma lele imarmar, to imanḡa ma ipa se tai kuliini mi ikonḡuru zin nanḡaḡ kini ma ila. Ila ma isombe ikonzaala zin, ⁴⁹ to tire lae pini na tiso ko kon sa ta ipa se tai kuliini. Tana tinḡarakrak ma kalḡan sanaana. ⁵⁰ Pa zin ta boozomen tire i, mi timoto kan ma tisaana. To Yesu loḡa men mi iso pizin. Iso: “Hai! Komoto paso? Kakam ḡḡar boozo pepe. Inḡi

✧ 6:46: Mk 1:35

nio tau.” ⁵¹ Tona ise kizin. Isala woongo na, miiri imap mi taun isu. Nanganj kini tire mos tina na, timurur pa. Tikam ngar pa ma tirao som. ⁵² Paso, lelen imun kat. Mos ta ni ikam pa narabu, ina ipei ngar kizin risa som. ☆

*Yesu iziiri mete pizin tomtom isu kar Genesaret
(Mt 14:34-36)*

⁵³ To Yesu zinan nanganj kini tila ma sor lela kar Genesaret. ⁵⁴ Tilu zin su pa woongo na, iwal biibi tikilaala Yesu. ⁵⁵ Tabe tiloondo ma tila mi tiso uruunu ma irao lele tana. Tana tilej Yesu uruunu beso imbot swoi na, tisinj zin metenjan mi tikonjuru i ma tila. ⁵⁶ Mi Yesu ipa ma ila pa kar bibip mi kar munmun mi su tomini. Mi indeenje ta sombe ni ipet kar sa, na zin wal tiyyo metenjan kizin ma tila tiluplup zin su kar keteene, mi titañroro i be irao zin wal metenjan titeegi, som titeege mburu kini kwopiriini men. Mi wal boozomen ta titeegi na, mete kizin imap mi nin ambai. ☆

7

*Tutu ki Anutu ilip pa tutu kizin kolman
(Mt 15:1-9)*

¹⁻⁴ Zin tutu kan zinan zin Yuda pakan tomini, zin timbolmbol pa tutu kizin kolman. Ngar kizin ta kembei: Sombe tikan kini, na bela tinguuru kat naman mungu, tona tikan. Mi sombe tila nol muriini ma timiili ma timar, na bela tikam yok ma titiyaara sala nwan be tinguuru wal bujin ma ila lene, tona tikan kini. Tana zin len tutu boozo

☆ 6:52: Mk 8:17 ☆ 6:56: Mt 9:20, 14:36; Ngo 19:12

ta kembei. Tutu pakan iso pa kuuru ma mbooro nguuruɗana mi tutu pakan iso pa koronɗ pakan.✧

Zin tutu kan pakan zinan zin ngarɗan ki tutu tizem Yerusalem mi timar ki Yesu, mi tire nanɗanɗ kini tito tutu ki naman nguuruɗana som, mi tikan kini. Tana tire ma ambai som. Pa nanɗanɗ kini naman inɗeeze som, mi titeege kini ma tikan.✧

⁵ Tabe tisu to tiwi Yesu. Tiso: “Nanɗanɗ ku tina tinɗuuru naman som mi tikan sorok kini. Parei ta timololo tutu kizin kolman?” ⁶ Yesu ipekel kwon ma iso: “Niom tina pakamkaamɗoyom! Munɗu Anutu kwoono Yesaya ibeede sua ta indeenje kat yom. Iso ta kembei:

Wal tainɗi, zin tipakurkur yo sorok pa kwon.

Tamen lelen na, imbot molo kat pio.

⁷ Pa tipaute zin tomtom pa tutu kizin kolman, mi tiso ina tutu ki Anutu.

Tana mbulu ta tikamam be timbesmbeeze pio na, iwe koronɗ sorok.”✧

⁸ Mi Yesu iso pizin mini ma iso: “Tutu ta Anutu iur na, niom kezem ma imborene. Mi tutu ta tumbuyom bizin tiur, ta inɗi kikiskis, mi kakam ma imbol piom.” ⁹ Mi iseenje sua kini ta kembei: “Nonoono kat, niom kipizil ndemeyom pa tutu ki Anutu, bekena motoyom inɗal ituyom tutu tiom mi koto. Mbulu tana, niom karao pa kat. ¹⁰ Nio anɗso paso, Mose ibeede tutu pataaɗa kek ta kembei:

Lem nɗer pa tomom ma nom mi mbeeze pizin.

✧ **7:1-4:** Mt 23:25+; Yo 2:6 ✧ **7:1-4:** Lu 11:38 ✧ **7:7:** Yesa 29:13; Kol 2:20+; Tit 1:14

Mi tomtom ta sombe mata pasom tamaana ma naana, som ikam sua sananꝓana pizin na, kupuni ma imeete.✧

11-12 “Mi niom na, kakamam ta kembena som. Pa kozzo ta kembei: Sombe tomtom sa le koron be iuulu tamaana ma naana pa, mi tamen ikam pizin som, mi iso pizin ma iso: ‘O, koron ti, nio anꝓao anꝓkam piom som. Pa inꝓi anꝓur ma iwe Anutu lene kek.’ Tomtom sa iso ikam ta kembei, na niom kepeteke i som, mi kopomboli be iuulu tamaana ma naana som. 13 Ta kembena ta niom kakamam Anutu sua kini ma iwe koron sorok, mi kapakurkur zin kolman tiom tutu kizin ma ilip. Mi mbulu tiom boozomen raraate men.”

Koron ta ikam tomtom ma isaana pa Anutu mataana
(Mt 15:10-20)

14 Tona Yesu iboobo zin iwal ma tila kini mini, mi iso pizin ta kembei: “O niom ta boozomen, kungun talꝓoyom pa sua tio ti mi kakam ngar pa ka uunu. 15-16 Koron ta sombe tomtom titeege mi tikan ma isula pa kopon, ina irao be ikam zin ma tisaana pa Anutu mataana na som. Mi koron ta tomtom lelen iur pa ma iyooto ma ipet, ta ikam zin ma tisaana.”✧ 17 Ni iso sua tana makin, to izem zin iwal tina ma timbot, mi ila pa ruumu. To zin nanꝓanꝓ kini tiwi i be ipeeze sua tina ka uunu pizin ma tileꝓ. 18 Tabe ni iso pizin: “Wai, niom tomini kakankaana? Ngar tiom ikam sua ti risa som? Koron boozomen ta teteege mi takanan ma

✧ 7:10: Kam 20:12, 21:17 ✧ 7:15-16: Ngo 10:14+; Ro 14:14,20; 1Tim 4:4

isula pa kopondo, ina irao be ipasaana iti pa Anutu mataana na som. ¹⁹ Pa ina ikam kosa sa pa lelende som. Isula pa kopondo men, mi molo som, to isu lene.” (Yesu sua kini ti, ka uunu ta kembei: Koron ta boozomen ambai pa kanjana. Sa ipasaana iti pa Anutu mataana som.)

²⁰ Mi Yesu iso mini ma iso: “Mbulu ta imbot pa tomtom lelen mi iyooto ma ipet, ta ipasaana zin pa Anutu mataana. ²¹⁻²² Paso, ngar sananjan boozomen ta imbot la tomtom lelen, ta ipiyotyooto mbulu sananjan. Mbulu ta kembei: Tuur nol, takam kuumbu, tupun sorok tomtom ma imeete, tapasaana ula, matanda berber, takam zigzik, mbulu pakaamjana, mbulu kizin me ma nge, matanda mburmbur, tipiri sua sananjana, tapakur itundu mi terepiili waende bizin, takam mbulu sananjan bozboozo. ²³ Tana motoyom ingal! Mbulu sananjan boozomen ta iyotyooto pa lelende i, ta ikam ti ma tasaana pa Anutu mataana.”

*Urlanana biibi ki moori ta Yuda somjan i
(Mt 15:21-28)*

²⁴ To Yesu imanga mini mi izem lele tina ma ila pa lele pakaana ta kar bibip ru, Tiro mi Sidon, timbot pa na. Ni ipa ma ila, to ike sala ruumu ta. Kokena tomtom tire i. Tamen ike na, irao som. ²⁵⁻²⁶ Pa moori ta, ni lutuunu moori, bubunana sananjana izeebi ma igadgaada kat. Ilen Yesu uruunu, to lonja men mi ila ipet kini. Mi moori tina, ni Yuda som. Ni Grik nan ta ki toono Ponisia ta imbot lele pakaana ki Siria na.

Ni ila ipet ki Yesu, to itop su kereene uunu mi itanoro i be iziiri bubunana sananjana tana pa

lutuunu moori. ²⁷ Tamen Yesu ipekel kwoono ma iso: “Wai, kini kizin pikin, ko iti loŋa mi tigiibi su ma me tikan? Som. Bela pikin tikan munŋu.”

* ²⁸ Mi moori ipekel kwoono ma iso: “Merere, ina ŋonoono. Tamen sombe pikin tikanan kini mi muunu itoptop su, inako iwe me kan.” ²⁹ To Yesu iso: “Ina nu pekel kat. Miili ma la ruumu ku. Pa bubuŋana sananŋana iko pa lutum moori kek.”

³⁰ Beso moori tana imiili ma ila ruumu na, ire lutuunu moori niini ambai mi ikenne sala mbalia kini. Bubuŋana sananŋana iko pini kek.

Yesu iurpe tomtom ta, ni talŋaana imun mi kwo somŋana

³¹ Tona Yesu imanŋa mini ma izem lele pakaana ki Tiro, mi ila ipet kar Sidon. To ila ipet lele pakaana ki Dekapolis, mi iyembut ma ilae pa tai Galilea.✧ ³² Ipet lele tana to, tikam tomtom ta ma tila kini. Tomtom tana, ni talŋaana imun mi kwoono iso kat sua som. Tana titaŋroro Yesu be iur namaana isalakaali mibe iurpe i. ³³ Tana Yesu ikami ma ziru tilae ri, to izeebe namaana ru ila tomtom tina talŋaana. To ikiziu se nama lutuunu mi ipakap se tomtom tina miaana.✧ ³⁴ To mataana isala pa saamba, mi iyataanŋa ma biibi, mi iso pa tomtom tina ma iso: “Epata!” (Sua tina, ka uunu ta kembei: ‘Kaaga’.)

³⁵ To loŋa men mi tomtom tina talŋaana ikam pus mi kwoono ikam kak, mi iso kat sua.✧ ³⁶ To Yesu iŋgalsek pizin iwal be tiso uruunu pepe. Tamen iso

* **7:27:** Sua ki Yesu ka uunu ta kembei: Uraata kini ko ila pa zin Yuda men munŋu. Mana kaimer to ila pizin wal ta Yuda somŋan i.

✧ **7:31:** Mt 15:29+ ✧ **7:33:** Mk 8:23; Yo 9:6 ✧ **7:35:** Yesa 35:5+

na som. Pa tire kat kek. Tabe kaŋkaŋ ma tila mi tisoyaara uruunu. ³⁷ Mi wal boozomen ta tileŋ na, timorsop biibi kat mi tiso: “Wae, tomtom ti, ni irao kat. Koroŋ boozomen ta ikamam na, ambai men. Pa zin taŋan munŋan tileŋ sua, mi kwon munŋan tiso sua.”

8

Yesu iputu wal munŋaana paŋ (4,000) (Mt 15:32-39)

¹ Indeeŋe mazwaana tana na, iwal biibi tilup zin mar ki Yesu mini. Timbotmbot ma kini kizin imap, to Yesu iboobo naŋgaŋ kini ma timar, mi iso pizin ma iso: ² “Nio leleŋ isaana pizin wal taŋgi. Pa itiŋan tombot pa aigule tel ma kini kizin imap kat. ³ Mi sombe aŋkam kan kini som, mi aŋur zin sorok ma tila len raama petel zin, inako mburan imap su zaala lwoono. Pa zin pakan, tipa pai molo ma timar.” ⁴ Naŋgaŋ kini tipekel kwoono ma tiso: “Wai, mi ko takam kini swoi mi tuputu zin wal ta kembei! Pa iŋgi sa tombot lele bilimŋana na.” ⁵ To Yesu iwi zin. Iso: “Narabu tiom piizi ta imbotmbot na?” ⁶ Zin tiso: “Lamata mi ru.”

To ni iur sua pizin iwal ma mbulen isu. Mi ikam narabu lamata mi ru tina mi isuŋ pa maŋiŋ, to itete mi izarra la kizin naŋgaŋ kini, bekena tila ma tirairai pizin. Tana tito kaŋaana, mi tikam ma tila tirai pizin. ⁷ Mi ye kizin munmun pakan timbotmbot tomini. Ina tikam la kini mi ni isuŋ pa, to iso pizin ma tila tirairai pizin iwal. ⁸ Iwal biibi tina tikan ma irao zin, to tiyogeege kini surunsurun ma tizeebe zin sula tiigi lamata mi ru ma bokbok. ⁹ Zin iwal ta tikan kini tina na, tinin zin ma tirao

kembei munḡaana paḡ (4,000). Tikan makinḡ to, Yesu iso pizin be timureege mi timilmiili ma tila pa kar kizin kizin. ¹⁰ Mi ni ziḡan nanḡanḡ kini loḡa men mi tise woḡḡo, mi tila pa lele pakaana ta zaana Dalmanuta.

*Zin tutu kan tisombe tire mos sa
(Mt 16:1-4)*

¹¹ To zin tutu kan pakan timar ki Yesu mi ziḡan tiparzorzooro ma titoombi. Tisombe ni ikam mos sa tabe iswe kembei ni iwwa raama saamba mburaana, to tire mi tiurla kini. ✧ ¹² Tana Yesu niini gesges pizin mi iyataaḡa ma biibi ma iso: “O yae, niom tomtom ta koozi kombotmbot na, uunu parei ta kamaḡmaḡ be kere mos? Nio aḡso kat piom ta kembei: Anutu ko ikam mos sa ma ipet be kere na som. Som kat.” ✧ ¹³ Tona izem zin, mi ziḡan nanḡanḡ kini tise woḡḡo mi tila mini pa tai pakaana mbaaga.

*Yis ki Erot ziḡan zin tutu kan
(Mt 16:5-12)*

¹⁴ Nanḡanḡ kini matan mbeleele ma tikam kan kini boozo som. Tikam narabu zaraaba tamen. ¹⁵ Timbotmbot se woḡḡo, mi Yesu mataana ila pa mbulu ki Erot ziḡan zin tutu kan ta ire kembei ambai som. Tana imaata kwoono pizin nanḡanḡ kini ma iso: “Motoyom iḡgal ituyom, mi kere yom pa yis ki Erot ziḡan zin tutu kan!” ✧ ¹⁶ Mi nanḡanḡ kini tikam kat ḡgar pa sua kini som. Tabe tiparzzo pizin ma tiso: “Iḡgi ko iso piti paso, matanda mbeleele mi takam kanda narabu som tau.” ¹⁷ Mi Yesu ikam la pa ḡgar kizin, tana iso pizin ma iso: “Wae, niom

✧ **8:11:** Mt 12:38; Lu 11:16; Yo 6:30 ✧ **8:12:** Lu 11:29 ✧ **8:15:** Lu 12:1; 1Kor 5:6+; 1Pe 2:1

koyyo kwoyom pa koyom narabu paso? Kakam kat n̄gar zen? Kikilaala zen? Koron̄ sa ipei n̄gar tiom som? ✧ 18-19 Niom motoyom, ma kere som? Mi taln̄oyom ma kelej som? Motoyom la pa mos ta an̄kamam na. Indeeñe ta an̄tete narabu lamata men pizin iwal mun̄ñaana lamata ma tikan ma irao zin na, ituyom koyogeege surunsurun isula kiri piizi?” Zin tipekel ma tiso: “Laamuru mi ru.” ✧
 20 To iwi zin mini. Iso: “Mi parei? Indeeñe ta an̄tete narabu lamata mi ru pizin tomtom mun̄ñaana pañ ma tikan na, niom koyogeege surunsurun isula tiigi piizi?” Zin tipekel ma tiso: “Lamata mi ru.”
 21 Tona Yesu iso pizin ma iso: “Ta tina. Niom kikilaala zen?”

Yesu iurpe tomtom mata pis̄jana ta isu kar Bet-saida

22 Yesu zin̄an nan̄gañ kini tila ma tipet kar Bet-saida, mi wal pakan tikam tomtom mata pis̄jana ta ma tila kini. Mi titañroro i be iteege mi iurpe i. 23 Tana Yesu iteege mata pis̄jana tina namaana, mi ikami ma ziru tizem kar mi tilae zil̄ñaana. To ipures la tomtom tana mataana, mi namaana isalakaali, mi iwi i ma iso: “Parei, re lele, som som?” 24 To tomtom tina mataana se pini, mi iso: “E! An̄re zin tomtom tiwwa. Tamen an̄re kat zin som. An̄re zin na, kembei ta ke, mi tiwwa.”
 25 Tana Yesu iur namaana ise mataana mini. Tona mataana ikam pak mi ire kat lele. 26 Mi Yesu iso pini ta kembei. Iso: “Mañga ma la pa ruumu ku. Mi lae kar pepe.” To izemi ma ila.

*Petrus iswe kat kembei Yesu ni Mesia
(Mt 16:13-20; Lu 9:18-21)*

²⁷ Tona Yesu zinan nanjan kini timanja mini, mi tila be tire kar munmun ta timbot koloujana pa kar Sisarea Pilipai. Tiwwa pa zaala ma tila, mi Yesu isu to iwi zin. Iso: “Lak, nio ti, tomtom tikam ngar pio be parei?” ²⁸ Zin tipekel kwoono ma tiso: “Wal pakan tisombe nu Yoan, ta munju ikamam yok pizin tomtom na. Mi pakan tisombe nu Anutu kwoono Ila. Mi pakan tiso nu Anutu kwoono toro sa.”

²⁹ To Yesu iwi zin mini ma iso: “Mi niom na, koso nio asin?” Petrus ipekel kwoono ma iso: “Nu Mesia tau, ulaanja biibi tiam Israel.” ☆ ³⁰ Petrus iso, to Yesu kwoono imbol pizin be tiswe i la ki tomtom toro sa pepe.

*Yesu iso zin pa meetejana kini
(Mt 16:21-23; Lu 9:22)*

³¹ Tona Yesu imanja be ipaute zin nanjan pa meetejana kini. Iso pizin ta kembei: “Tomtom Lutuunu bela ire patajana boozo. Pa zin peeze kan, mi zin bibip kizin patoronjana kan, mi zin ngarjan ki tutu ko lelen pini som, mi tipuni ma imeete. Tamen mbenj iwe tel pa, to Anutu ipei i ma burup ma imanja mini.” ³² Yesu iturke sua tana pizin som. Ni iswe kat. Tabe Petrus ikami ma ziru tibelev lae, to imanja mi iyaambi. ³³ Tamen Yesu itoori ma mataana ila kizin nanjan kini, to isu mi iyaamba Petrus ma iso: “Sadan, ko molo pio. Ngar ku kembei Anutu ngar kini som. Ina nu kam ngar kembei zin tomtom men.”

☆ **8:29:** Yo 6:68+, 11:27

*Zaala tabe toto Yesu pa
(Mt 16:24-28; Lu 9:23-27)*

³⁴ Tona Yesu iboobo zin iwal biibi zinan nanḡan kini ma tila kini, mi iso pizin ta kembei: “Tomtom sa isombe igaaba yo ma iwe leḡ, na bela ikoto itunu, mi ikwaara ke pambaaraḡana kini, mi ito yo. ☆ ³⁵ Pa tomtom sa, sombe ikam ḡar biibi pa itunu kuliini men, inako ikam mbotḡana ḡonoono ta ki Anutu i som. Mi tomtom sa isombe izem kat itunu pio mi uruunu ambaiḡana, nako ikam mbotḡana ḡonoono ta ki Anutu i. ☆ ³⁶ Mi parei? Sombe tomtom sa ikam koron toono kana ta munḡaana men, mi tamen itunu kunuunu ila lene, ko ambai? Som. ³⁷ Pa ni le zaala sa be ikam kunuunu tana ma imiili na som. ☆

³⁸ “Koozi, tomtom boozo tipizil ndemen pa sua mbukḡana ta tikam pa Anutu na, mi tikamam mbulu bozboozo. Tana kere yom. Pa tomtom ta sombe iwatkaala nio zon mi sua tio ila tomtom matan, na indeeḡe ta Tomtom Lutuunu zinan zin aḡela potomḡan tisombe timiili ma timar raama Tamaana mburaana biibi, na ni ko iwatkaala tomtom tana zaana tomini.” ☆

9

¹ Mi Yesu iso mini ma iso: “Nio aḡso kat piom, niom pakan ta itinan tombotmbot i, ko kemeete zen, mi kere Anutu iswe peeze kini raama mburaana biibi.” ☆

*Yesu ruḡuunu itooro ma iwe milmilḡana
(Mt 17:1-13; Lu 9:28-36)*

☆ **8:34:** Mt 10:37+ ☆ **8:35:** Lu 17:33; Yo 12:25 ☆ **8:37:** Mbo 48:7+ ☆ **8:38:** Mt 10:33; Ro 1:16; 2Tim 2:12 ☆ **9:1:** Mt 16:28; Lu 9:27

² Yesu ziŋan nanŋaŋ kini timbotmbot ma kan mbeŋ lamata mi ta ilae, tona ikam Petrus, Yems, mi Yoan ma zin paŋ men tisala pa abal uteene ta kor a. ³ Timbotmbot mi molo som na, zin tel tana tire Yesu ruŋguunu itooro mi mburu kini ikokou kat ma imilmil. Tomtom toono kana sa irao be iŋguuru mburu ma ikokou kat kembeia som. ⁴ To nanŋaŋ kini tel tina matan ila na, tire Ilia ziru Mose tipet ma ziŋan Yesu tizzo sua.

⁵ To Petrus imanŋa na iso la pa Yesu. Iso: “Mos katuunu, iŋgi ambai kat. Pa itiŋan ta tombotmbot i. Mi parei, ko ampo beeze tel sa? Ta pu, ta pa Mose, mi ta pa Ilia?” ⁶ Sua tina, Petrus iso sorok. Pa ziŋan waene bizin timoto biibi kat. ⁷ Molo som mi miiri tieene isu ma izukkaala zin. To tileŋ kalŋaana ta imbot lela miiri tieene mi ipet ma iso ta kembei: “Lutuŋ tamen ŋonoono ta nio leleŋ pini ilip kat ta tina. Kelen la kalŋaana!” ✧ ⁸ To lonŋa men mi matan ise na, tire Yesu itutamen. Tomtom toro sa som.

⁹ Tizem abal mi tiwwa ma tisula na, Yesu kwoono imbol pizin be tiswe mbulu ta tire na uruunu pizin wal pakan karau pepe. Imbotmbot ma sombe Tomtom Lutuunu imanŋa mini pa naala, tona tiswe ma ipet. ¹⁰ Tana nanŋaŋ kini tipo sua tana ise ndomon, mi zitun tiparwwi zin ma tiso: “Wai, sua ta ni iso pa manŋanana pa naala na, ina ka uunu parei?” ¹¹ To tiwi Yesu ma tiso: “Parei ta zin ngarŋan ki tutu tisombe Ilia bela imiili ma imar muŋgu, tona Mesia?” ✧ ¹²⁻¹³ Mi ni ipekel kwon ta kembei. Iso: “E, ina ŋonoono. Ilia bela

✧ **9:7:** Kam 40:34+; Mt 3:17; Ngo 3:22; 2Pe 1:17+ ✧ **9:11:** Mal 4:5; Mt 11:14

imar munḡu, mi ipazal koron ta boozomen. Mi nio anso piom. Sua tina iur nonoono ise ki Yoan kek. Motoyom ingal mbulu ta tikam pini na. Tito zitun ngar kizin mi tiseeze sorok mataana, kembei ta ka sua imbot ta munḡu kek. Kenako parei pa sua ta munḡu tibeede pa Tomtom Lutuunu? Sua ta kembei: ‘Zin ko tiseeze mataana, mi tirepiili i.’ ✧

*Yesu iziiri bubunana sananana pa nanḡan ta
(Mt 17:14-21; Lu 9:37-43a)*

¹⁴ Zin timiili ma timar mi tipet kizin nanḡan pakan ki Yesu, to tire zin iwal biibi timar tiliu zin ma timbotmbot. Mi ngarḡan pakan ki tutu timbotmbot raama zin, mi ziḡan tiparzorzooro pa sua. ¹⁵ Iwal biibi tire Yesu, to timurur mi loḡa tiloondo ma tila be tire i. ¹⁶ To Yesu iwi zin ma iso: “Niom kaparzorzooro pa so sua i?”

¹⁷ Tomtom ta imbotmbot la iwal biibi tina len, ni imanḡa mi ipekel kwoono ma iso: “Mos katuunu, nio lutuḡ ta bubunana sananana izeebi ma kwoono imun. Tana ingi anḡami ma ama ku i. ¹⁸ Lutuḡ ti, re beso koron tana imanḡa pini, to ipalkeeti isu toono ma zoḡoono nekḡek, ka toptoobo izzu, mi ikadat ma mburaana imap. Tana anwi zin nanḡan ku be tiziiri bubunana tana ma ila ne. Tamen titoombo na tirao som.”

¹⁹ Yesu ipekel kalḡaana ma iso pizin: “Aiss, niom tina ko som kat! Leyom urlanana sa som. Itinḡan tembel mbotḡana kek. Tana anso ko ngar tiom ipet risa? Mi ingi som. Ambai. Kakam nanḡan tina ma imar.” ²⁰ Tana tikami ma ila kini. Beso bubunana sananana tana ire Yesu na, imanḡa pa

✧ **9:12-13:** Mbo 22:1+; Yesa 53:3; Lu 1:17

nanḡaḡ tina, mi ipalkeeti su toono ma ikadat ma ka toptoobo izzu. ²¹ To Yesu iwi tamaana ma iso: “Mete ti ikami ta munḡu mi imar, som ta buri?” Tamaana ipekel kwoono ma iso: “Wai, indeeḡe ta ni nanḡaḡana mi imar. ²² Lwoono pakan, sombe imanḡa pini, to ipiri i sala you. Mi lwoono pakan na, ipundu i sula yok. Pa isombe ipasaana kati. Tana lelem isaana piam, mi sombe nu rao, na uulu yam.” ²³ Tabe Yesu iso: “Wai, nu wi yo kembena paso. Ina imbot la urlanḡana men tau. Tomtom ta sombe iurla, na ni ko itat pa kosa sa som.” ✧ ²⁴ Tabe nanḡaḡ tina tamaana lonḡa men mi itanḡoro Yesu ma iso: “Nio anḡurla. Mi tamen urlanḡana tio imbol som. Pombol yo!”

²⁵ Yesu mataana ila na, ire zin iwal biibi ta timekewe ma timarmar. Tana inḡasaara bubunḡana sananḡana ma iso: “Nu tana, ta kamam nanḡaḡ ti ma kwoono mi talḡaana imun na, nio anḡur sua pu be zemi ta buri. Mi kozo loondo pini mini pepe.”

²⁶ To koronḡ tina iyak ma kalḡaana sanaana, mi iyelkatkat nanḡaḡ tina ma itop su toono, mana iyooto pini ma ila lene. Iyooto ma ila na, nanḡaḡ tina mataana mburri mi imetekat su ma imbotmbot. Iwal tina tire i mi tiso: “Wei, a ra, imeete kek!”

²⁷ Tamen Yesu iteege namaana mi iwiti, to burup ma imanḡa imender.

²⁸ Uraata tana imap, tona Yesu ilela pa ruumu leleene. Mi ziḡan nanḡaḡ kini men timbotmbot. To tiwi i ma tiso: “Parei ta niam ti amrao be amziiri koronḡ tana som?” ²⁹ Yesu ipekel ma iso: “Zaala toro sa som. Bela [tanḡalsek itundu pa kini kanḡana mi] tusunḡ, tona tarao tiziiri koronḡ ta kembei.”

✧ 9:23: Mt 17:20; Mk 11:23; Yo 11:40

*Yesu iso mini pa meeterana kini ma iwe ru pa
(Mt 17:22-23; Lu 9:43b-45)*

³⁰ Tona Yesu zinan nanjanj kini tizem lele tina, mi tikewe mi tiwwa pa lele pakaana ki Galilea. Mi ni leleene be tomtom tiute pai kizin som. ³¹ Pa ikamam sua pizin nanjanj kini ma izzo pizin ta kembei: “Tomtom Lutuunu, ni ko tikami ma tiuri la tomtom pakan naman, mi zin ko tipuni ma imeete ma kup. Tamen ko ka mbenj iwe tel pa, tona burup ma imanga mini.” ³² Tamen zin nanjanj tikam ngar pa sua kini ka uunu som. Mi lelen be tiwi i som. Pa timoto.

*Asinj ta ni zaana biibi ma ilip?
(Mt 18:1-5; Lu 9:46-48)*

³³ Tiwwa ma timar tipet Kapenaum, mi tilela ruumu leleene, to Yesu iwi zin nanjanj kini. Iso: “Lak, iti tawwa ma tamar pa zaala na, niom kaparzorzooro pa so sua i?” ³⁴ Mi zin tipekel kaljaana som. Timaane men. Pa tiparzorzooro pa kizin asinj ta ko zaana biibi ma ilip. ³⁵ To Yesu mbuleene isu mi iso pizin. Iso: “O, kamar tis mi kelej. Tomtom ta sombe leleene be iwe mataana, na irao ipumuungu itunu som. Bela ikoto itunu mi imbeeze pizin tomtom ta boozomen.” ✧ ³⁶ Tona ikwaara nanjanj musaana ta ma tila, mi ipamenderi la lukutuunu mi iso pizin nanjanj kini ta kembei: “Tomtom sa sombe ikam nanjanj munmun ta kembei, mi imbeeze pini pa nio zoŋ, na ni imbeeze pio tau. ³⁷ Mi tomtom ta sombe imbeeze pio, ina ni imbeeze pio men som. Ni imbeeze pa Tamanj Anutu ta inŋo yo ma anjar i tomini.” ✧

✧ 9:35: Mt 20:26+, 23:11; Mk 10:43+ ✧ 9:37: Mt 10:40; Yo 13:20

Lelende ambai pizin wal ta timbot lupɲana toro tomini

(Lu 9:49-50)

³⁸ Yoan isu to iso pa Yesu ma iso: “Mos katu-unu, niam amre tomtom ta, ni izirziiri bubuɲana sananɲan pa nu zom. Mi ni igabgaaba iti som. Tana ampeteke i.” ³⁹ Tamen Yesu iso pizin: “E-e, kepeteke i pepe. Pa tomtom ta sombe ipaata nio zoɲ ma itooro mos biibi sa, inako ni irao be loɲa mi iyyo kwoono pio na som. ✧ ⁴⁰ Mi tomtom ta sombe iwe kanda koi som, na ni gaabaɲanda. ✧ ⁴¹ Nio aɲso kat piom ta kembei: Kozobe tomtom sa ikam koyom yok risa ma kiwin pa uunu tau kewe Mesia lene kek, ina tomtom tina kola ikam le kadoono. ✧

Watɲana ka sua

(Mt 18:6-9; Lu 17:1-2)

⁴² “Nanɲan popoɲana tasa ta iurla tio na, sombe tomtom sa iwati ma itop pa urlaɲana kini, na tomtom tana, tembeli kek. Sombe tikam pat biibi ma timbit la ɲgureene, mi tila tipundu i sula mozo lukutuunu ma ila ne, to ambai.

⁴³⁻⁴⁴ “Nomom tasa isombe iyaryaaru u ma kam mam mbulu sananɲana, na ambai be yambut ma ila ne. Kokena imbot, to ikam ma tigiibu sula lem kar sanaana ta ka you imapmap som. Tana toɲgo. Nomom tamen ina irao. Pa kaimer ko kam mbotɲana mata yaryaaraɲana. ✧ ⁴⁵⁻⁴⁶ Mi kumbum ta kembena. Sombe tasa ipawa u be kamam mbulu sananɲana, na ina tomini, yambut ma ila ne. Kokena imbot, to ikam ma tigiibu sula lem kar

✧ **9:39:** 1Kor 12:3 ✧ **9:40:** Mt 12:30; Lu 11:23; 1Kor 3:1-9

✧ **9:41:** Mt 10:42 ✧ **9:43-44:** Mt 5:30

sanaana. Tana tonjo. Kumbum tamen, ina irao. Pa kaimer ko kam mbotɲana mata yaryaaraɲana. ⁴⁷ Mi motom tomini. Tasa isombe iyaryaaru u pa mbulu sananɲana, na pai ma isu lene. Tonjo. Motom tamen, ina irao. Pa kaimer ko lela kar ki Anutu. Kokena motom toro tana imbot, to ikam ma tigiibu sula lem kar sanaana. ✧ ⁴⁸ “Pa kar tana, ka motmooto sananɲan ta timetmeete som. Mi ka you ta kembena, ko imbotmbot ma alok. ✧

⁴⁹ “Patoronɲana ta izalla you na, titiyaryaara tai * isala bekena iurpe ma ingeeze. Mi tomtom ta kembena. You kola ipet pizin tomtom ta boozomen. ✧

⁵⁰ “Tai na, koron ambainɲana. Tamen sombe mburaana imap, na irao tuurpe mini na som. Tai ta imbot sula leleyom na, kikiskis, mi leleyom par piom mi kaparlup yom ma kombotmbot.” ✧

10

Sua pa ula yembutɲana
(Mt 19:1-12; Lu 16:18)

¹ Yesu imanga mini ma izem lele tina. Mi ila pa pakaana ki Yudea, to indu yok Yordan ma ilae mbaaga. Mi iwal biibi ta timokor la kini mini, tana ni ito mbulu kini mi ikamam sua pizin.

² Mi zin tutu kan pakan tila kini be titoombi. Tana tiwi i ma tiso: “Lak, tutu kiti iso parei? Irao zin tomooto tiyembut ula kizin mi tiziiri kusin

✧ **9:47:** Mt 5:29 ✧ **9:48:** Yesa 66:24 * **9:49:** You iwe kin pa: 1) kadoono urnɲana ki mberɲ kaimer, 2) Bubunɲana Potomɲana, mi 3) toombonɲana. Mi Wok Pris 2:13 iso ta kembei: Tai iwe kin pa sua mbukɲana ki Anutu. ✧ **9:49:** Ezek 43:24 ✧ **9:50:** Mt 5:13; Lu 14:34+; Ro 12:18

bizin ma tila len, som som?” ³ Yesu ipekel kwon ma iso: “Tutu ta Mose ikam piom na, iso parei?” ⁴ Zin tiso: “Mose iso ta kembei: Sombe tomooto sa ibeede ula yembutɲana ka sua ise ro pakaana sa, na ni irao be iyembut ula kini.” ✧ ⁵ To Yesu iso pizin ma iso: “Ina ɲonoono. Mi uunu tau Mose ibeede tutu tana piom, ina imbot la sanaana ta imbol la leleyom tau. ⁶ Mi indeeɲe mata popoten ta Anutu iur saamba mi toono na, ni iur tomooto mi moori. ✧ ⁷ Uunu tina ta tomooto izem tamaana ma naana, mi ziru moori tiparlup zin ma tiwe tamen. ✧ ⁸ Tana ziru irao timbot ndelndelɲa mini som. Paso, tiparlup zin ma tiwe tamen kek. ⁹ Mi koroɲ ta Anutu ilup ma iwe tamen na, tomtom sa irao be iyembut na som.”

¹⁰ Timiili ma tila ruumu, tona naɲgaɲ kini tiwi Yesu mini pa sua tina. ¹¹ Mi ni ipekel kwon ma iso: “Tomooto sa isombe iziiri kusiini ma ila lene, mi iwoolo moori toro, ina ni ipasaana mboti ki kusiini mi imolo ula ka tutu. ¹² Mi moori ta kembena. Sombe izem kusiini ma imborene, mi iwoolo kana tomooto toro, ina ni ipasaana ula ka tutu.” ✧

*Yesu ipombol zin naɲgaɲ munmun
(Mt 19:13-15; Lu 18:15-17)*

¹³ Tomtom pakan tikam lutun bizin ma tila ki Yesu bekena iteege zin. Tamen naɲgaɲ kini timaɲga mi tiɲasaara zin. ¹⁴ Yesu ire mbulu tana, to keteene malmal pizin mi iso: “Ai, kapakaala zin paso? Pa peeze ki Anutu ka tomtom bizin, ina ta kembei. Tana kezem zin ma timar. ✧ ¹⁵ Nio

✧ **10:4:** Lo 24:1+; Mt 5:31 ✧ **10:6:** Un 1:27, 5:2 ✧ **10:7:** Un 2:24; Ep 5:31 ✧ **10:12:** Mt 5:32; 1Kor 7:10+ ✧ **10:14:** 1Kor 14:20; 1Pe 2:2

an̄so kat piom: Bela kotooro ngar tiom ma kewe kembei ta zin pikin, tona karao be kombot la peeze ki Anutu mi kelela kar kini.” ✧ 16 Tona ikam zin munmun ma imbarara zin, mi namaana sala zin tatan̄a uten mi ipombol zin.

*Mbio uunu ta imar ki Yesu
(Mt 19:16-30; Lu 18:18-30)*

17 Yesu iman̄ga mini pa pai kini. Som, mi tomtom ta, ni ikon̄uru i ma ila ma ingun kumbuunu su kereene uunu, mi iwi i. Iso: “Mos katuunu, nu ambain̄om. Ko an̄kam parei, to an̄kam mbot̄n̄ana mata yaryaaran̄ana?” 18 Yesu ipekel kwoono ma iso: “Parei ta nu sombe nio ambain̄on̄? Anutu itutamen ta ni ambain̄ana. Tomtom toro sa som. 19 Nu ute tutu kek. ‘Pun tomtom ma imeete pepe, pasaana ula pepe, kem pepe, pombol sua pakaam̄n̄ana pepe, watke lem koron̄ pepe, lem n̄ger pa tomom ma nom mi mbeeze pizin.’” ✧ 20 To tomtom tina ipekel kwoono ma iso: “Wai mos katuunu, tutu sojan̄a? Tutu ta boozomen tana, ta nan̄gan̄n̄on̄ mi an̄to an̄to ma imar indeen̄e koozi.” 21 Yesu ire i na, leleene pini. Tana iso pini ta kembei: “Ambai. Mi koron̄ tamen ta kam zen. La mi kam ngomo pa koron̄ ku ta boozomen. Mi rai ka pat pizin wal ta sorrok̄n̄an i. Naso kam lem koron̄ n̄onoono ta izza u su kar saamba. Mi mar to yo.” ✧ 22 Tomtom tina ilēn̄ sua tana na, irao pa leleene som. To izem Yesu, mi ila raama leleene ipata. Pa ni le koron̄ boozo kat.

23 Tona Yesu mataana ila lae pa zin nan̄gan̄ kini, mi iso pizin ta kembei. Iso: “Zin wal ta mbio uunu

✧ **10:15:** Mt 18:3 ✧ **10:19:** Kam 20:12+; Lo 5:16+; Ro 13:9

✧ **10:21:** Mt 6:19+; N̄go 2:45, 4:32+; 1Tim 6:17+

na, inako ipata pizin be tiwe Anutu lene mi timbotmbot lela peeze kini leleene.” ✧ ²⁴ Nanganj kini tilej sua tina na, tikam ngar boozo pa. Tamen Yesu iso pizin mini ma iso: “O tiziŋan, ina ipata pizin tomtom be tiwe Anutu lene mi timbot lela peeze kini leleene. ²⁵ Kere. Mbili sa isombe itoombo be iloondo pa sor sumbuunu, ko irao? Som. Mi zin mbio uunu na, ka ngar tamen tau. Sombe zitun titoombo be tiwe Anutu lene mi timbot lela peeze kini leleene, nako ipata kat pizin. Tirao som kat.” ²⁶ Nanganj kini tilej sua ti na, timurur mi tikam ngar biibi pa. Tana tiso pini ma tiso: “Wai, kenako asiŋ ta Anutu ikamke i ma imbot ambai?” ²⁷ To Yesu mataana ila kizin mi iso: “Tomtom zitun sombe titoombo, nako tirao som. Mi sombe Anutu iuulu zin, nako tirao. Pa Anutu, ni itat pa kosa sa som.”

²⁸ To Petrus imanga mi iso pini ma iso: “Lak re. Niam ti, amzem koronj tiam ta boozomen ma imborene lup, mi iŋgi amtoto u i. Ko parei piam?” ²⁹ Yesu ipekel kwoono ma iso: “Nio aŋso kat piom. Tomtom sa isombe izem ruumu kini, som toŋmatiziŋ kini, som tamaana ma naana, som lutuunu bizin, som mokleene kini pa nio zoŋ mi uruunu ambaiŋana, ³⁰ inako ikam kampeŋana ta ilip ma ilip kat pa koronj ta izem na. Pa indeeŋe ta tomtom tana imbot toono na, ni ko ikam le ruumu, ma toŋmatiziŋ, ma pikin, ma naana ma tamaana bizin, ma mokleene boozomen. Tamen ko tiseeze mataana pa nio zoŋ tomini. Mi indeeŋe mbeŋ kaimer, nako ikam mbotŋana mata yaryaaraŋana.

³¹ “Tamen wal boozomen ta muŋgu tiwe

✧ **10:23:** Mk 4:19; 1Tim 6:9+; Yems 5:1+

mataana, inako tila tikemer. Mi zin tau kaimerkana, nako tiwe mataana.” ☆

*Yesu iso mini pa meeteḡana kini ma iwe tel pa
(Mt 20:17-19; Lu 18:31-34)*

³² Yesu imuungu, mi nanḡaḡ kini tito i ma ziḡan tisombe tisala pa Yerusalem. Tiwwa ma tila, mi nanḡaḡ kini tikamam ḡar boozo. Mi zin wal ta ziḡan tila na, timoto kana. Tana Yesu ikam nanḡaḡ kini laamuru mi ru ma timet lae, mi isotaara zin pa mbulu tabe ipet pini i. ³³ Iso: “Keleḡ. Inḡi be tasala pa Yerusalem i. Mi Tomtom Lutuuu, ni ko tikami ma tiuri la zin bibip kizin patoronḡana kana ziḡan zin ḡarḡan ki tutu naman. Mi zin ko tiur sua be imeete, mi tiuri la kizin wal ta Yuda somḡan i naman. ³⁴ Mi zin ko tipeḡeu i, tipureskaali, tibalisi, mi tipuni ma imeete. Tamen ko ka mbeḡ iwe tel pa, tona burup ma imanḡa mini pa naala.”

*Wiḡana ki Yems ma Yoan
(Mt 20:20-28)*

³⁵ Tona Zebedi lutuuu bizin ru, Yems ziru Yoan, tila ki Yesu mi tiso pini ta kembei. Tiso: “Mos katuunu, niam amso amwi u pa koronḡ ta be nu kam piam.” ³⁶ Tana Yesu iwi zin ma iso: “Sokorei ta leleyom pa be anḡkam piom?” ³⁷ Zin tiso: “Kaimerkana ma nu sombe swe mburom mi zom biibi ma ipet mat, na niam leleyam be kam niamru ma ambot su zilḡom uunu. Ta imbot la nomom woono mi toro imbot la ḡas.” ³⁸ To Yesu iso pizin ta kembei: “Koronḡ ta niomru kiwi yo pa na, ina kuute ka pataḡana som. Kere. Mbooro tabe nio anḡwin la i, niomru karao be kiwin la tomimi? Mi

☆ **10:31:** Mt 20:16; Lu 13:30

pataŋana biibi tabe isalakaala yo i, niomru karao be kakam?” ✧ ³⁹ Ziru tipekel kwoono ma tiso: “E, niamru amrao.” To Yesu iseenge sua mini ma iso pizin ta kembei: “Nonoono, mbooro tabe nio aŋwin la i, ina niom kola kiwin la. Mi pataŋana tabe isalakaala yo i, inako isalakaala yom tomini. ✧ ⁴⁰ Mi muriyom ta niomru koso pa na, ina uraata tio som. Ina koron ki Tamaŋ Anutu. Mi zin wal tabe timbot zilŋon uunu i, ina ni iur zin pataŋa kek. Zin ta ko timbot pa.”

⁴¹ Nanŋaŋ pakan tilen Yems ziru Yoan sua kizin, to keten malmal pizin. ⁴² Tabe Yesu iso pizin ma timar, mi iso pizin. Iso: “Mbulu ki toono na, niom kuute kek. Zin bibip kizin karkari ta Yuda somŋan i, tipakurkur zitun mi matan pasom zin wal ta timbot la kopon mbarmaana na. Mi zin wal ta zanŋan i, na tikototo zin tomtom. ✧ ⁴³ Tamen niom na, kakam mbulu ta kembena pepe. Tiom tasa isombe leleene be iwe biibi piom, na bela ikoto itunu ma iwe mbesoono piom. ✧ ⁴⁴ Mi tiom tasa isombe leleene be iwe mataana piom, na bela iwe mbesoono sorokŋana kat pizin wal ta boozomen. ✧ ⁴⁵ Pa ina mbulu ki Tomtom Lutuunu tomini. Kere. Ni imar be tomtom timbeeze pini na som. Imar be itunu imbeeze pizin tomtom, mibe izem kat itunu ma imeete pizin tomtom boozomen beken a inŋiimi zin ma tiwe lene.” ✧

Yesu iurpe Patimai mataana
(Mt 20:29-34; Lu 18:35-43)

✧ **10:38:** Mk 14:36; Lu 12:50 ✧ **10:39:** Ngo 12:2; Pil 3:10; 2Tim 2:11+; Tur 1:9 ✧ **10:42:** Lu 22:25+ ✧ **10:43:** Mt 23:11; Mk 9:35; Lu 9:48 ✧ **10:44:** 1Pe 5:3 ✧ **10:45:** Yo 13:14; Pil 2:7; 1Tim 2:5+

46-47 Yesu ziŋan nanŋaŋ kini tila tipet kar Yeriko. To ziŋan iwal biibi tizem kar ma tilae ri, mi tomtom mata piŋana ta imbotmbot, zaana Patimai. Ni Timai lutuunu. Imbutultul su zaala zilŋaana be izuŋzuŋ le koronŋ. Mi ileŋ kembei tomtom ta imar i na Yesu ki Nasaret, to imanŋa mi kalŋaana biibi ma iso: “O Dabit Lutuunu, muŋai yo lak!”

48 Wal pakan tiŋasaari mi tiso pini be imaane. Tamen som. Kalŋaana biibi kat ma iso: “O Dabit Lutuunu, muŋai yo lak!” 49 Tana Yesu imender mi iso: “Koso i ma imar.” Tana tiboobo mata piŋana tina ma tiso: “A, lelem ambai mi manŋa. Pa iso mar pu be la ma re i.” 50 Tana tomtom tina ilu i ma imanŋa. To ipiri mburu kini kor kana itop isu lene, mi ila ki Yesu. 51 Ila to Yesu iwi i. Iso: “Nu lelem be aŋkam parei pu?” Mata piŋana iso: “A mos katuunu, nio leleŋ be aŋre lele.” 52 Tabe Yesu iso pini ma iso: “La lak! Urlanana ku ta iuulu u ma motom ambai.” To loŋa men mi mataana ikam pak mi ire lele. Tana ito Yesu mi ziŋan tila pa zaala.

✧

11

Yesu isala pa Yerusalem

(Mt 21:1-11; Lu 19:28-40; Yo 12:12-19)

1 Yesu ziŋan nanŋaŋ kini tipa ma timar kolouŋana pa Yerusalem, mi tila tipet kar Betpage mi Betania, ta timbot sala abal Olib lwoono na. 2 To Yesu inŋo nanŋaŋ kini ru be timuunŋu ma tisala. Iso pizin ta kembei: “Kasala pa kar ta imbot mar kembei. Beso kala kepet, nako kere donŋi poponana ta, ta timbiti lae ma imbotmbot.

✧ **10:52:** Mt 9:22; Mk 5:34

Ina tomtom sa isala ndemeene mi ipa pa zen. Kuputke i, mi kakami ma kusu. ³ Mi sombe tomtom sa iwi yom ma iso: ‘Ina kakami sorok paso?’ Tona koso pini ta kembei: ‘Merere, ni le uraata ri pini. Mako ipimiili i ma loŋa men mi imar mini.’ ”

⁴ Beso ziru tila na, tire doŋki popoŋana ta. Ina timbiti lae ruumu ta imbot kolouŋana pa zaala na. Mi tila tiputke i to, ⁵ wal pakan ta timendernder kolouŋana na, tiwi zin: “Ai, ina kuputke i sorok paso?” ⁶ Ziru tipekel kwon ma tiso sua kembei ta Yesu iso pizin na. Tona wal tana tiyok pizin, mi ziru tikami ma tila. ⁷ Tikami ma tisula ki Yesu, to tikinke mburu kizin mat kana, mi tipeele sala doŋki ndemeene. To Yesu isala mi mbuleene ise. ⁸ Mi wal boozo tiwar mburu kizin su zaala be tipakuri. Mi pakan na, tila tiyembut komkom, mi tikam ma timar mi tisan su zaala tomini. ⁹ To wal pakan timuunŋu pini mi pakan tikemer, mi kalŋan izalla ma tiso:

“Hosana! Merere ko ipombol tomtom ti mi ikampe i.

Pa ni ikam Merere runŋuunu ta imar i!✧

¹⁰ Tomtom ta buri imar i ko ikam peeze kembei muŋgu tumbundu Dabit ikamam na. Tana Anutu ko ipomboli mi ikampe i.

Hosana! Tapakur Merere zaana ma isala ta kor a!

¹¹ Yesu isala Yerusalem ma ilela siiri ki Urum Merere leleene na, mataana rikrik be itiiri koron ta boozomen. Tamen lele igarau be mbeŋ. Tana

✧ **11:9:** Mbo 118:25+

ziŋan nanŋaŋ kini laamuru mi ru tizem urum, mi timiili mini ma tila pa kar Betania.

*Yesu ipiri sua pa ke fik
(Mt 21:18-19)*

¹² Tikeene ma berek su, to Yesu ziŋan nanŋaŋ kini timanŋa ma tizem kar Betania, be tisala mini pa Yerusalem. Tiwwa pa zaala lwoono ma tila, mi Yesu peteli. ¹³ Tabe mataana ila na, ire la pa ke fik ta imendernder. Mi mazwaana tana mai ki ke fik ŋonoono som. Tamen tataŋa ta ŋonon. Mi ire kembei ke tana iurpe i be ŋonoono, tana ikonjuru ma ila be ikam ka ŋonoono. Tamen ila na, ire ŋonoono sa som. Ruunu men. ¹⁴ Tana Yesu iso pa ke tana ma iso: “Indeeŋe ta tiŋgi mi ila na, nu ko piyooto mini ŋonoono sa be tomtom tikan na som.”[☆]

Yesu iso sua tana na, nanŋaŋ kini tileŋ.

*Yesu iziiri zin wal pa Urum Merere
(Mt 21:12-17; Lu 19:45-48; Yo 2:13-22)*

¹⁵ Zin tiwwa ma tila tipet kar Yerusalem, to Yesu iwwa ma ilela siiri ki Urum Merere leleene. Mi imanŋayaara zin wal ta tikamam ŋgomo pa koronj kizin isu urum kwoono na. Ni imanŋa pa mbalia ta zin wal tiparpekelkel pat zalla na, ramaki mbalia kizin wal ta mbulen izze mi tikamam ŋgomo pa man mbalmbal na. ¹⁶ Mi zin wal ta tikwarra mburu, mi tiyembutmbut pa siiri ki Urum Merere leleene na, ni ipeteke zin be tikam mini pepe. ¹⁷ Tona ikam sua pizin tomtom ma iso: “Niom kuute som? Sua ki Anutu iso pataŋa kek ta kembei:

[☆] **11:14:** Lu 13:6

Urum tio, ko tipaata ma tiso ina sunɗana muriini kizin karkari ta boozomen.✧

“Tamen niom kakam ma iwe kembei: ranɗ sumbuunu ta zin kuumbu kan tikewe lela i!”✧

¹⁸ Zin bibip kizin patoronɗana kan mi zin ngarɗan ki tutu tilenɗ sua tina, to tisombe tiru zaala sa be tipuni ma imeete. Pa sua kini ikam ma iwal biibi lelen imap ma ila kini. Tabe zin bibip timoto i.

¹⁹ Rorou na, Yesu ziɗan nanɗanɗ kini tizem kar Yerusalem mi tila.

Urlanɗana na, mburaana biibi
(Mt 21:20-22)

²⁰ Tikeene ma berek, to Yesu ziɗan nanɗanɗ kini tiwwa ma tisula pa zaala. Mi tire la pa ke fik ta Yesu ipiri sua pa na, imeete sula ta uunu mi isala.

²¹ Tana Petrus mataana ila pa sua ki Yesu, mi iso pini ta kembei: “Mos katuunu re! Ke ta neeri piri sua pa na, ta imeete kek!” ²²⁻²³ Tona Yesu iso pizin ma iso: “Kuurla kat ki Anutu. Pa nio aɗso kat piom ta kembei: Tomtom sa isombe iso pa abal ti be izem muriini mi ila itop sula tai, mi sombe leleene iwe ru som, mi iurla kembei sua kini ko iur ɗonoono, inako Anutu ikam mbulu tana ma ipet pini.✧ ²⁴ Tana nio aɗso piom. Niom sombe kusunɗ Anutu ma kiwi i pa koronɗ sa, mi sombe kuurla kembei ni ilenɗ sunɗana tiom kek, inako kere ka ɗonoono.✧

[²⁵ “Mi niom sombe kusunɗ, mi ngar tiom ilala pa sosor sa ta waeyom bizin tikam piom, na kuurpe leleyom pizin mi kezem ngar pa sanaana kizin.

✧ **11:17:** Yesa 56:7 ✧ **11:17:** Yer 7:11 ✧ **11:22-23:** Mt 17:20; Lu 17:6 ✧ **11:24:** Yo 14:13; Yems 1:5+

Naso Tomoyom ta imbot saamba a ireege sanaana tiom tomini.✧ ²⁶ Mi sombe kuurpe leleyom pa waeyom bizin som, mi kezem ngar pa sanaana kizin som, inako sanaana tiom tomini, Anutu ireege som.”]

*Zin bibip tiwi Yesu pa asiŋ ta iuri pa uraata kini
(Mt 21:23-27; Lu 20:1-8)*

²⁷ Zin tisala ma tipet Yerusalem mini, mi Yesu iwwa lela siiri ki Urum Merere leleene. Mi zin bibip kizin patoronŋana kan, mi zin ngarŋan ki tutu ziŋan zin peeze kan tire i, to timar kini mi tiwi i. Tiso: ²⁸ “Lak, uraata ta kamam na, nu zom pa? Mi asiŋ iuru pa?”✧ ²⁹ Yesu ipekel kwon ma iso: “Wiŋana tiom ambai. Mi nio aŋsombe aŋwi yom pa tio ta i. Mi sombe kepekel, inako nio tomini aŋpekel niom tiom, mi aŋso yom pa asiŋ ta iur yo pa uraata tio ti. ³⁰ Lak! Yoan ta muŋgu ikamam yok pizin tomtom na, asiŋ iuri pa uraata kini? Ni ta imbotmbot saamba a, som zin tomtom?”

³¹ Mi zin tipekel karau som. Tiparwwi zin ma tiso: “Wai, iŋgi kozo ko toso parei? Pa sombe toso ‘Ni ta imbotmbot saamba a iuri’, to ni ko iso piti ta kembei: ‘Kena parei ta niom kuurla sua kini som?’ ³²⁻³³ Mi sombe toso: ‘A Yoan na, tomtom ta tiuri pa uraata kini’, ko ambai?” (Tiso ta kembei paso, tomtom timap tipou Yoan ma tiso ni Anutu kwoono ŋonoono tau.) Tana timoto, mi tipekel sua ki Yesu ta kembei. Tiso: “Ii, niam amute som.” To Yesu kadoono isu mi iso pizin ta kembei: “Kenako nio tomini irao be aŋso yom pa Ni ta iur yo pa uraata tio i na som.”

✧ **11:25:** Mt 5:23, 6:14+; Kol 3:13 ✧ **11:28:** Yo 2:18; Nŋo 4:7

12

*Sua tooroŋana pa zin wal uraata kan
(Mt 21:33-46; Lu 20:9-19)*

¹ Tona Yesu imanŋa mi ikamam sua pizin ila sua tooroŋana. Iso: “Tomtom ta, ni iurpe toono kini be ipaaza ke baen pa. Mi ipo siiri ma iliu, mi iurpe baen piiziŋana muriini, to ipo beeze ta isala kor, bekena zin uraata kan timbot sala mi matan lala pa baen lene. Iurpe koron ta boozomen ma imap, to izem la kizin wal uraata kan naman be matan pa, mi imanŋa ma izem kar kini, mi ila imbot lele pakaana toro.☆

² “Imbot imbot ma indeeŋe mai ki baen keŋana, to inŋo mbesooŋo kini ta ma ila kizin wal uraata kan, bekena ikam baen ŋonon pakan ma imar.

³ Tamen mbesooŋo kini tana iwwa ma ila ipet kizin uraata kan na, tikiskisi mi tibalisi. To tiseri ma namaana men mi ila ne. ⁴ Tona baen katuunu inŋo mbesooŋo kini toro ma ila. Mi ni tomini, zin uraata kan tipeeze paŋaana mi tipamianji. ⁵ To baen katuunu inŋo mbesooŋo kini toro ma iwe tel pa ma ila. Beso ila ipet na, zin tipuni ma imeete. Mi mbesooŋo kini pakan na, wal tana tikam mbulu raraate men pizin. Pakan, tibalis zin. Mi pakan na, tipun zin ma timetmeete.

⁶ “Baen katuunu inok inok ma som, to mataana ila pa itunu lutuunu ta leleene pini ilip kat na ma iso: ‘O, nioombe anŋo lutuŋ ŋonoono, nako zin len nger pini mi tipou pini.’ Tana inŋo i ma ila. ⁷ Beso zin uraata kan matan ila mi tire lutuunu imar na, timanŋa mi tiparso pizin ma tiso: ‘Ouo kere! Biibi itunu lutuunu ta imar i. Ni tabe imender pa koron

☆ **12:1:** Mbo 80:8+; Yesa 5:1+

ti pa kaimer mi iwe katuunu. Lak, kozo tupuni ma imeete. Naso koronj ti imbot ma iwe lende!”[☆] 8 To timanga na tikiskisi, mi tipuni ma imeete, to tipiri i lae siiri ndemeene.”[☆]

9 Yesu iso sua tana ma imap, to iwi zin ma iso: “Lak, ina kozoko baen katuunu ikam parei pizin wal tana? Ni kola imar ma ikas zin ma timetmeete lup, mi ikam baen lene kini tana ma iur la wal pakan naman be timboro kat.”[☆] 10 To iseenge sua kini mi iso: “Sua ki Anutu ta tibeede se ro na, niom kapaata som? Sua ta isombe:

Pat ta zin wal ruumu ponjana kan matan repiili, mi tipiri lae lene na,
pat tamen tana, ta ko tipamender ruumu sala ma imbol.

11 Mbulu tina ipet pa Anutu itunu mburaana. Mi amre na, ipa ndel kat.”[☆]

12 Zin bibip kizin Yuda tilej sua tooronjana tana na, tikilaala kembei Yesu iso sua tana ise kizin. Tanata tisombe tikisi pataanja. Tamen timoto kan pizin iwal biibi, tana tizemi ma imbotmbot, mi tila len.

Wišana pa takes pirijana
(Mt 22:15-22; Lu 20:20-26)

13 Kaimer, mana tinjo tutu kan pakan zijan Erot wal kini pakan ma tila ki Yesu be titoombi pa wišana pakan. Beso ni ipekel njoobo, to iwe le uunu.

14 Tana timar tipet kini, mi kwon imbeeze pini ma tiso: “Mos katuunu, niam amute: Nu tomtom ki sua nonoono men. Nu moto tomtom sa som, mi

☆ 12:7: Mt 27:18 ☆ 12:8: Ibr 13:12 ☆ 12:9: Ngo 13:46, 28:28

☆ 12:11: Mbo 118:22+

zzo katkat sua ŋonoono men pizin tomtom, bekena paute zin kat pa Anutu zaala kini. Tana so kat piam. Nu re be parei? Iti sombe tigiibi takes ila ki Kaisa, ko indeeŋe pa tutu kiti, som som? Ko takam pini, som takam som?” ¹⁵ Tamen Yesu, ni iute pakaamŋana kizin kek. Tana isu mi iso pizin: “Parei ta koso kotoombo yo? Pat ta tiwirri pa takes na, kakam tasa imar ma aŋre.” ¹⁶ Tana tikam pat denari ta ila kini. Mi ni iteege, to iwi zin. Iso: “Lak, asiŋ ruŋguunu mi zaana ti?” To tiso: “Ina Kaisa tau.” ¹⁷ Tona Yesu iso: “Tana. Koron ta Kaisa zaana pa, to ila kini. Mi koron ki Anutu na, ila ki Anutu.” Tileŋ pekelaŋana kini tana mi timurur pa.✧

Wal meeteŋan, ko timaŋga mini, som som?

(Mt 22:23-33; Lu 20:27-40)

¹⁸⁻¹⁹ Zin sadusi na, Yuda pakan ta tiurla kembei Anutu ko ipei zin meeteŋan ma timaŋga mini som. Tana Yesu imbotmbot, mi zin sadusi pakan timar kini mi tiwi i ta kembei. Tiso: “Mos katuunu, Mose ibeede tutu piti ta kembei. Sombe tomooto sa iwoolo moori ma tipeebe sa som, mi imeete, to tiziini bela iwoolo ka nooro. Beso ipeebe ma ingi to, pikin ikel toono kolmanŋana ta imeete na.✧

²⁰ “Lak, lwoono ta na, tonmatiziŋ lamata mi ru. Timbotmbot ma muŋgamuŋga iwoolo. Mi ikam kelŋana sa som, mi imeete. ²¹ To tiziini ta ito i na, ikam ka nooro. Mi tipeebe sa som, mi ni tomimi ra, imeete. Mi tiziini ta iwe tel pa na, ikam mbulu raraate men. ²² Ta kembei kembei ma zin lamata mi ru tana timetmeete lup. Mi len kelŋana sa som. To kaimer na, moori tomimi, ni imeete.

✧ **12:17:** Un 1:27; Ro 13:7; 1Pe 2:17 ✧ **12:18-19:** Lo 25:5; Nŋo 23:8

²³ Lak, indeenje mbenj kaimer ma zin meetenjan tisombe timanga mini pa naala, na moori tina ko iwe tomtom ingoi kusiini? Pa zin lamata mi ru ta tiwooli na.”

²⁴ Yesu ipekel kwon ma iso: “Aiss, niom tina kuute Anutu mburaana mi sua kini risa som kat, tanata kakam ngar ngoobo. ²⁵Indeenje mbenj kaimer ma zin meetenjan tisombe timanga mini pa naala, na tomtom ko tiparwoolo zin mini som. Pa zin ko kembei zin anjela ta timbot saamba a. [☆] ²⁶⁻²⁷ Mi manganjana kizin wal meetenjan, ina niom katalli pa kat. Parei, mazwaana ta Anutu ipet ki Mose na, kapaata ka mbol som? Indeenje tana, ni iwe kembei you ta ikanan la ke leleene na, mi iso pa Mose ma iso:

Nio ingi Anutu ki Abaraam, Isak, mi Yakop. [☆]

“Sua tana iswe kembei zin matan yaryaara ma timbotmbot raama Anutu. Mibe timeete ma tila len kat, so ni irao ipaata itunu be Anutu kizin som.”

Tutu mataana kana
(Mt 22:34-40; Lu 10:25-28)

²⁸ Timbotmbot ma tomtom ngarjana ta ki tutu, ni imar mi ilej Yesu zinan zin Sadusi tiparzor-zooro pa sua. Mi ire kembei Yesu ipekel kat wišana kizin, tana imar kini mi iwi i ta kembei. Iso: “Tutu ingoi ta ilip pa tutu ta boozomen?”

²⁹ Yesu ipekel kwoono ma iso: “Tutu mataana kana ta kembei:

O niom Israel kelen! Merere Anutu kiti, ni itutamen ta Merere ngoono. [☆]

[☆] **12:25:** 1Kor 15:42+, 15:52 [☆] **12:26-27:** Kam 3:6; Ngo 7:32; Ibr 11:16 [☆] **12:29:** Lo 6:4+

30 Tana ur lelem ila ki Merere Anutu ku, raama ngar ku mi mburom, ma imap ma iwe ni lene men.
 ☆

31 “Mi tutu biibi toro ta iwe ru pa, ina ta kembei: Ur lelem pizin tomtom kembei ta lelem pa itum.

“Tutu lwoono ru tina ta tilip pa tutu ta boozomen.”☆

32 Tomtom ngarjana ki tutu tina ileŋ, to iso pa Yesu ma iso: “Mos katuunu, nu so kat! Sua ta so na, ina ŋonoono men. Pa Merere Anutu, ni itutamen ta Merere ŋonoono. Merere toro sa som.”☆

33 Tanata tuur lelende ila kini raama ki ngar kiti mi mburanda ma imap ma iwe ni lene men. Mi tuur lelende pizin tomtom kembei ta lelende pa itundu. Pa iti sombe takan la tutu lwoono ru men ti mi tuurpe, inako Anutu ire kembei ilip pa patoronjana boozomen ta tenenne sala artaal mi patoronjana pakan tomini.”☆

34 Yesu ire kembei tomtom tana ipekel kat raama ngar, tana iso pini ma iso: “Nu mbot molo pa peeze ki Anutu som.” Indeeŋe tana mi ila na, zin tiwi Yesu pa kosa sa mini som. Pa timoto.

Mesia ko iyooto pa Dabit be parei?

(Mt 22:41-46; Lu 20:41-44)

35 Indeeŋe Yesu ikamam sua pizin tomtom lela Urum Merere lene na, iwi zin ma iso: “Lak! Parei ta zin ngarjan ki tutu tisombe Mesia ko iyooto pa king Dabit poponjana kini? Pa munŋu Bubuŋana Potomŋana ipei ngar ki Dabit, mi ni iso ta kembei:

36 Merere Anutu iso pa Biibi tio ma iso:

☆ **12:30:** Lo 10:12+ ☆ **12:31:** Wkp 19:18; Ga 5:14; 1Tim 1:5; Yems 2:8 ☆ **12:32:** Lo 4:35,39 ☆ **12:33:** 1Sam 15:22; Yesa 45:21

Mar mbulem su nomoŋ woono
 ma irao aŋkoto kom koi bizin ma mburan imap
 kat,
 mi kumbum ise ŋguren.✧

³⁷ “Tana Dabit itunu ipaata Mesia be Biibi kini.
 Lak, popoŋana sa ki Dabit ko irao be ilip pini be
 parei?”

Iwal biibi ta tilenleŋ Yesu sua kini na, menmeen
 zin mi lelen ambai kat.

Mbulu pakurŋana kizin ŋgarŋan ki tutu
(Mt 23:1-36; Lu 20:45-47)

³⁸ Yesu ikamam sua pizin mi iso ta kembei: “Mo-
 toyom iŋgal ituyom pizin ŋgarŋan ki tutu. Pa zin
 lelen be tirru pa mburu kizin ta mololo i. Mi tiwwa
 pa kar keteene, bekena tomtom tire zin mi tiso sua
 pakurŋana pizin. ³⁹ Mi sombe tilela lupŋana muri-
 ini, som tila pa kini kanŋana, to loŋa mi tiserseere
 ma tila be mbulen se mbalia mataana kana ta
 zin wal zanŋan murin na. ⁴⁰ Mi zin koroŋ to
 tiwadatkewe zin noroŋa bekena tikem len ruumu
 kizin ramaki mburu kizin. Mi tipakamkaam ma
 tikamam suŋŋana mololo. Tana kadoono tabe
 tikam pa mbulu kizin tana, ko sorok som kat.”

Patoroŋŋana ki nora tuunu ta
(Lu 21:1-4)

⁴¹ Yesu mbuleene isu kolouŋana pa kolekta
 muriini, mi mataana ilala pizin iwal biibi ta tilala
 ma tiurur pat izulla. Mi zin mbio uunu boozo
 ta timar ma tipiri pat bibip. ⁴² Yesu imbotmbot,
 mi nora ta, ra, imar ma ipiri pat siŋsiŋŋan ru
 ta munmun i. ⁴³ Yesu ire mbulu ki nora tana,

✧ **12:36:** Mbo 110:1; Nŋgo 2:34+; 1Kor 15:25; Ibr 1:13

to iboobo nanġaġ kini ma timar, mi iso pizin ta kembei: “Ai, kere nora tuunu tinġa. Nio aŋso kat piom. Pat ta ni ipiri sula kolekta na, ilip pa tomtom ta boozomen tinġi. ⁴⁴ Paso, zin pakan na, koronġ kizin boozo ta imbotmbot mi tipiri rimen. Mi ni na som. Pat kini ri tabe imboro i, ta imap lup ma isula. Tana itunu ko imbot sorok.”☆

13

Yesu iso pa Urum Merere reeġenana
(Mt 24:1-2; Lu 21:5-6)

¹ Yesu izem urum lene, mi isombe iyooto ma ila. Som, mi nanġaġ kini ta, ni imanġa mi iso pini. Iso: “Mos katuunu re! Pat ta tipo urum ti pa na, nġeezeġan mi bibip men! Mi zin ruumu tinġi ta kembena. Tilip kat!” ² Yesu ipekel kalġaana mi iso: “Ruumu bibip ta rre zin ti, kaimer ko tireege ma tipiri kiġakiġa ma kan mburu tisu len lup. Kan koronġan risa ko imbot se muriini mini na som.”☆

Pataġana boozo kola iwedet mana urum reeġenana
(Mt 10:17-22, 24:3-14; Lu 21:7-19)

³ Tizem Urum Merere mi tipa ma tila ma tisala abal Olib, to Yesu mbuleene su mi ire la pa urum. Imbotmbot mi Petrus, Yems, Yoan, mi Andreas tila kini mi tiwi i. Tiso: ⁴ “Biibi, so kat piam. Sua ta koozi so pa urum tinġa reeġenana na, ko iur nġonoono nġiizi? Mi sombe ka nol igarau, inako ka kilalan pareiġana?”

⁵ Yesu ipekel kwon ma iso: “Motoyom ingalngal ituyom. Kokena tomtom sa ipandelndel yom. ✧

⁶ Pa wal boozo kola timanga mi tipaata sorok nio zon mi tiso: ‘Ulaana tabe imar i, na nio tau.’ Mi wal boozomen ko tikan la sua kizin. ✧

⁷ “Mi sombe kelej malmal ka orooro, som malmal bibip urun na, keteyom guruk mi komoto pepe. Pa mbulu ta kembena kola iwedet. Mi toono swoono, nako zen. ⁸ Pa toono ta boozomen ka tomtom bizin kola tiparkam malmal pizin. King ta ko ikam malmal pa king ki lele toro. Yenyeenge kola titok toono pakan, mi lele pakan ko tikan peetele. Patajana boozomen tana, ina iwe mataana pa patajana bibip tabe tipet pa kaimer i. ✧

⁹ “Mi motoyom ingal ituyom! Pa koyom koi bizin ko tikam yom, mi tipamender yom su zin wal peeze kan matan, mi tibalis yom lela lupjana kizin murin. Mi ko tikam yom ma tipamender yom la zin king mi zin bibip keren uunu, mi tingal motoyom. Paso, niom kototo yo tau. Mi mbulu tina ko iwe zaala piom be keswe urun mi kopombol sua tio ila matan. ✧ ¹⁰ Mi bela tisoyaara uruunu ambajana ma ila irao karkari ta boozomen mungu, to mbulu tana ipet.

¹¹ “Mi sombe tikam yom mi tipamender yom la zin bibip matan be titiiri sua tiom, na kopoyom rru mi motoyom rru sua tabe koso i pepe. Pa indeenge ta so tipamender yom, na Anutu itunu ko iso yom pa sua tabe koso i. Tana ngar ta so ise pa leleyom pa mazwaana tana, na koso men tau. Pa

✧ **13:5:** Ep 4:14; 2Tes 2:1+; 1Yo 4:1 ✧ **13:6:** Ngo 5:36+; 1Yo 2:18

✧ **13:8:** Tur 6:3+ ✧ **13:9:** Ngo 18:12; Tur 2:10

ina niom ituyom leleyom mi koso som. Ina imar pa Bubunjana Potomjana tau. ✧

¹² “Indeeje mazwaana tana, tomtom ko tiur tonmatizin kizin ila wal pakan naman be tipun zin ma timetmeete. Mi zin kolman ko tikam ta kembena pa lutun bizin. Mi zin nangan ko tizooro taman ma nan bizin, mi tiur zin la wal pakan naman be tipun zin ma timetmeete. ¹³ Mi tomtom ta boozomen ko tiwe koyom koi. Paso, niom kewe lej mi kototo yo tau. Tamen tomtom ta sombe imender mboljana mi ikiskis urlajana kini ma irao swoono, na Anutu ko ikamke i ma imbot ambai. ✧

*Patajana biibi kat kola ikam zin Yerusalem kan
(Mt 24:15-28; Lu 21:20-24)*

¹⁴ “Kaimer ko kere wal pakan tipamender koron sananjana kat ilela lele potomjana ta ka ngalsekinjana. To lele tana isaana kat ma imborene. (Tomtom sa isombe ipaata sua ti na, itunu irao be ikam ngar pa ka uunu.) Mbulu tana iso ipet, na zin wal ta timbotmbot lele pakaana ki Yudea na, lonja mi tiko ma tisala pa lele abalabalanja. ✧

¹⁵ Tana tomtom sa isombe imbotmbot sala ruumu kini ka pooto, na ilela ruumu be ikam koron kini sa pepe. Kanjan patajana ma ila. ✧ ¹⁶ Mi sombe tomtom sa imbotmbot mokleene kini mi ikamam uraata, na iloondo ma ila ruumu mini be ikam kawaala kini toro sa pepe. Ni tommini, kanjan patajana ma ila. ¹⁷ Zin moori ta sombe koponjan mi zin ta pemyamjan pa mazwaana tana, na ra, tembel zin kek. Pa patajana biibi kola ikam zin.

✧ **13:11:** Lu 12:11+ ✧ **13:13:** Yo 15:18,20; Tur 2:7,11, 3:5

✧ **13:14:** Dan 9:27, 11:31, 12:11 ✧ **13:15:** Lu 17:31

18 Tana kusuj pa Anutu. Kokena mbulu tana ipet pa gorgor ki yan. 19 Pa pataņana tana, ko sananņana kat ma ilip pa pataņana boozomen ta tipet pa toono kek na. Indeeņe mata popoten ta Anutu iur saamba mi toono, mi imar imar ma indeeņe koozi na, pataņana sa ta kembei ipet pasa zen. Mi kaimer ko pataņana toro sa ta kembei ipet mini som. ✧ 20 Pataņana tana, sombe Merere ipemet loņa som, inako tomtom sa irao imbot na som. Tamen ni kopoono pizin wal kini ta iroogo zin pa itunu kek, tana kola ipemet ma imap karau meņ.

21 “Mbulu tana iso ipet, mi sombe tomtom sa iso piom ma iso: ‘Kere. Mesia ta itunu tis!, som ‘Ni imbotmbot tinġa!’, na kuurla sua kini pepe. ✧

22 Pa wal pakamkaamņan kola tipet, mi tipakaam ma tiso ta kembei: ‘Nio Mesia’, som ‘Nio Anutu kwoono.’ Mi ko titooro moș boozo mi tikam uraata bibip pakan bekena tipakaam zin tomtom pa. Mi Anutu wal kini ta ni iroogo zin pa itunu na tomini, wal tana ko titoombo be tipakaam zin.

✧ 23 Kelen, koron boozomen tana ipet zen, mi inġi anșotaara yom pataņa. Tana motoyom inġal ituyom.

Miiliņana ki Tomtom Lutuunu

(Mt 24:29-31; Lu 21:25-28)

24 “Pataņana boozomen tana tisombe tipet lup, inako molo som to zoņ mataana imeete. Mi pulu tomini, ko iyaara mini som. 25 Mi pitik ko tizem murin mi titoptop, mi Anutu ko itok zin koron mburanņan ta timbot sala maņaanaņana na.

✧ **13:19:** Dan 12:1; Yoel 2:2
13:1+; 2Tes 2:9+; Tur 13:13

✧ **13:21:** 2Tes 2:1+

✧ **13:22:** Lo

²⁶ Tona tomtom kola tire sala pa Tomtom Lutuunu imbot lela miiri tieene mi imiili ma isu raama mburaana biibi kat mi azuŋka kini. ✧ ²⁷ Mi ni ko inŋo zin aŋela kini ma tila tipa pa lele ta boozomen irao toono mi saamba ka sengaŋa beken a tiyogeege zin wal kini ta ni iroogo zin pa itunu na, ma tila tilup zin la kini. ✧

Sua tooroŋana pa ke fik
(Mt 24:32-35; Lu 21:29-33)

²⁸ “Kere la pa ke fik mi kakam ŋgar pa. Pa ke tana isombe iruŋ, tona kikilaala kembei inŋi be zoŋ biibi isu. ²⁹ Ina zaala raraate men tau pa mbulu ta aŋzzo yom pa i. Niom sombe kere mbulu ta boozomen tana tiwedet, to kikilaala ta kembei: Miilinŋana ki Tomtom Lutuunu, ta ka nol igarau kek. ³⁰ Nio aŋso kat piom: Wal ta koozi kan i ko timap pa toono zen, mi tire uraata boozomen tinŋi ipet. ³¹ Saamba mi toono kola timbiriizi. Tamen sua tio irao be ila lene na som. Ko imbotmbot men ta kembei. ✧

Miilinŋana ki Tomtom Lutuunu na, tomtom sa iute ka nol som
(Mt 24:36-44)

³² “Nol tabe koronŋ ta boozomen tana tipet pa i, na tomtom sa iute som. Mi aŋela ta timbot saamba na tiute som, mi Lutuunu tomini, iute som. Tamaana itutamen ta iute. ✧ ³³ Tana moyom inŋalŋal ituyom. Pa nol tana, niom kuute som. ³⁴ Ko ipet kembei ta tomtom ta, ni ikam ŋgar

✧ **13:26:** Dan 7:13; 1Tes 4:16+; Tur 1:7 ✧ **13:27:** Mt 13:41

✧ **13:31:** Mbo 102:25+, 119:89; Mt 5:18 ✧ **13:32:** Nŋo 1:7; 1Tes 5:1+

be ila pa lele molo. Tana izem ruumu kini ila mbe-sooŋo kini naman be timboro, mi iur len uraata ikot zin tataŋa. Mi isotaara tomtom ta imborro kataama na, be iur mataana pini mibe izza i. Tona izem zin mi ila. ☆ ³⁵ Nio aŋso piom. Motoyom iŋgal ituyom. Pa nol tabe ruumu katuunu imiili ma imar pa i, ina niom kuute som. Ko indeeŋe rorou, som mbeŋ lukutuunu, som lele imarmar, som mbeŋbeŋŋana. ☆ ³⁶ Kokena ni imar karau men na, ire yom kekeenemeete. ³⁷ Sua ti aŋso piom, mi ila pizin wal ta boozomen tomini. Kapamatmaata ma kombotmbot, mi kuur motoyom pa biibi tiom!”

14

Zin bibip timbuuru pa Yesu

(Mt 26:1-5; Lu 22:1-2; Yo 11:45-53)

¹ Pasoba mi lupŋana biibi kizin Yuda tabe tikan narabu ta ka yis somŋana i na, ka mbeŋ ru men imbotmbot be ipet. Tana zin bibip kizin patoronŋana kan ziŋan zin ŋgarŋan ki tutu tilup zin, mi tirru zaala keŋana sa pa Yesu be tikami, mi tipuni ma imeete. ² Mi tiparso pizin ma tiso: “Kozo takami pa mazwaana ki lupŋana biibi taiŋgi pepe. Kokena zin iwal biibi timaŋga mi tikam malmal.”

Moori ta ilij ŋgere sala Yesu uteene

(Mt 26:6-13; Yo 12:1-8)

³ Yesu ziŋan nanŋaŋ kini timbotmbot ki Simon ta kar Betania. Simon tana, ni muŋgu mbetmbeete sananŋana ikami. Zin mbulen isu ma tikanan kini ma timbotmbot, mi moori ta, ni ikam ŋgere

☆ **13:34:** Mt 25:14; Lu 12:35+ ☆ **13:35:** Lu 12:38

kuziiniñana ta ka kadoono biibi kat na, mi imar. To ibokat ngere putuunu kwoono mi ilin sala Yesu uteene. ⁴ Mi wal pakan ta ziñan Yesu timbotm-bot na, tire na irao lenen som. Tana tiyo kwon pini ma tiso: “Wai, moori ti ipasaana sorok ngere paso? ⁵ Ngere ti na, ka pat ta sorok som. Be tonjomoono, so takam pat biibi kembei 300 denari mi kwoono be tu'uulu zin sorrokñan pa!” Tana tiyaambi. ⁶ Tamen Yesu iso: “Kumbuulu kwoyom pini paso? Mbulu ta ni ikam pio na, ambaiñana kat. ⁷ Pa wal sorrokñan ko niomñan kombotm-bot ma alok. Tana mazwaana boozomen ta niom sombe leleyom be ku'uulu zin, inako karao be ku'uulu zin. Mi nio, nako itinjan tombotm-bot ma molo som. ⁸ Koron ta ni irao be ikam pio, ta ikam kek. Ngere ti, ni ilin salakaala yo beken a iurpe yo pa koñ mete.✧ ⁹ Tana nio anso kat piom: Kaimer sombe tomtom tisoyaara urun ma irao karkari, inako tiwidit mbol pa mbulu ta ni ikam pio i, beken a tomtom matan kiskis.”

*Yudas iyok be iswe Yesu
(Mt 26:14-16; Lu 22:3-6)*

¹⁰ To nanğan ki Yesu laamuru mi ru tana, tomtom kizin ta, zaana Yudas Iskariot, ni imanğa ma ila kizin bibip kizin patoronñana kan, mi iso pizin ta kembei: Ni ko iurpe zaala pizin be tikam Yesu. ¹¹ Mi tilenğ sua kini na, lenen ambai kat mi timbuk sua pini be tikam le pat. Ziñan timbuk sua makinğ, tona Yudas ila ma irru zaala be iur Yesu ila naman.

*Yesu ziñan nanğan kini tikan Pasoba ka kini
(Mt 26:17-25; Lu 22:7-14,21-23; Yo 13:21-30)*

✧ 14:8: Yo 19:40

12 Timbot ma aigule mataana kana ki lupɔna biibi tana ipet. Mi ina aigule tabe tipun zin sip-sip pa Pasoba i. Tana naŋgaŋ kini tiwi Yesu ma tiso: “Lak, kini ki Pasoba na, ko amurpe pu isu swoi?”[☆] 13 Tana Yesu iŋgo naŋgaŋ kini ru be tila. Mi isotaara zin ta kembei. Iso: “Kelela pa kar biibi, to kere tomtom ta ikwaara yok kuuruɔna, mi ikonɔuru yom ma ima. Koto i, 14 mi kere, beso isala ruumu tasa, to koto i ma kelela. Mi koso pa ruumu katuunu ta kembei. Koso: ‘Mos katuunu tiam ikam wiɔana pu ta kembei: Ruumu leleene iŋgoi tabe ni ziɔan naŋgaŋ kini timbot pa mi tikan kini ki Pasoba i?’

15 Ni ko iso yom pa ruumu leleene biibi ta imbot kor mi tiurpe ma ambai pataaŋa kek. Tana kuurpe kanda kini isu tana.”

16 Yesu iso sua ma imap, tona naŋgaŋ kini ru tana tizemi, mi tiwwa ma tila kar biibi. Mi tire koron ta boozomen ila itoptop kat la Yesu kalɔana. Tana tiparaŋraŋ kini mi koron ta boozomen pa sunɔana ki Pasoba. 17 Timbotmbot ma zon isula, to Yesu ziɔan naŋgaŋ kini pakan timar, mi mbulen su pa kini kanɔana. 18 Tikanan ma timbotmbot, mi Yesu isu ma iso: “Nio aŋso kat piom. Tomtom tiom tasa kola iur yo la koŋ koi bizin naman. Tomtom tau itiɔan takanan kini i.”[☆] 19 Naŋgaŋ kini tilenɔ sua tana na, lelen ipata. To zin tataŋa timaŋga mi tiwi i. Tiso: “Sua ku tana, nu so pio?” 20 Yesu iso pizin: “Niom laamuru mi ru tana, tiom tasa ko ikam. Tomtom tana, niamru amtizik narabu isula mbooro tamen. 21 Tana Tomtom Lutuunu kola tipuni ma imeete. Ka sua imbot pataaŋa kek.

☆ 14:12: Kam 12:6+ ☆ 14:18: Mbo 41:9

Mi tomtom tabe iswe i la ka koi bizin i na, tembeli kek! Naana ra, ipeebe som, so ndabok!”

Temen pemetjana

(Mt 26:26-30; Lu 22:14-20; 1Kor 11:23-25)

²² Tikanan ma timbotmbot, mi Yesu ikam narabu ma isun pa, to itette ma irao zin nangan mi iso: “Kakam ma kakan. Ingi nio mozon nonono.”

²³ Tona ikam mbooro baen ma isun pa, mi ikam la ki nangan kini, mi zin ta boozomen tiwin. Tiwin makin, to ni iso: ²⁴ “Ina nio sinin, ta ko ireere ma isu, mi iwe zaala be Anutu zinan zin tomtom boozomen tiparlup zin ma tiwe tamen.✧ ²⁵ Nio anso kat piom. Nio ko anwin baen mini som, mi ila indeenje ta anwin baen poponana lela Anutu kar kini.”

²⁶ Tikan makin, to timbo mboe sunjana kana ta, mi tizem ruumu mi tisala pa abal Olib.✧

Yesu iso Petrus ko iwatkaali

(Mt 26:31-35; Lu 22:31-34; Yo 13:36-38)

²⁷ Mi Yesu iso pizin nangan kini ma iso: “Mben ta koozi, niom ta boozomen ko kotop pa urlanana tiom mi kipizil ndemeyom pio. Pa sua ki Anutu imbot pataana kek ta kembei:

Nio ko anpun mboron kizin sipsip, mi zin sipsip ko tiko papirik lup.✧ ²⁸ Tamen kaimer sombe anmanja mini pa naala, nako anmuungu ma anla mi ansa yom su Galilea.”

²⁹ To Petrus imanja mi iso: “Inako zin pakan. Mi nio, nako anrao antop mi anpizil ndemen pu na som.” ³⁰ Mi Yesu iso pini ma

✧ **14:24:** Kam 24:8; 1Kor 10:16; Ibr 8:8+, 9:16+ ✧ **14:26:** Mbo 118 ✧ **14:27:** Sek 13:7

iso: “Petrus, nio anso kat pu. Mbenj ta koozi, nu kola watkaala zonj pa tel, mana man itanj ma iwe ru pa.” ³¹ Mi Petrus kwoono imbol ma imbol kat ma iso: “Asinj iso u? So tipunu, nako tipun yo tomini ma ituru mi temetmeete raraate. Mi irao anjwatkaala zom na som. Som kat!” Mi zin ta boozomen tiso sua raraate men.

*Yesu isunj su lele Getsemane
(Mt 26:36-46; Lu 22:39-46)*

³² Yesu zinan nanjanj kini tipa ma tila tipet lele ta, zaana Getsemane. Tona iso pizin ta kembei: “Mbuleyom su tinji ma kombotmbot, mi nio anjla anjsunj.” ³³ To ikam Petrus, Yems, mi Yoan ma zinan tila. Yesu leleene ipata biibi kat, mi ikam ngar boozo pa patanjana tabe ise kini i. ³⁴ Tana iso pizin ma iso: “Aiss, lelenj ipata kat. Lelenj patanjana tainji be ipun yo ma anjmeete i. Tana kapamatmaata mi itinjan tombotmbot.”[☆] ³⁵ Pa Yesu iute: Nol kini ta ipet kek. Tana izem zin ma timbot, mi ipa ma ilae ri. To injun kumbuunu isu toono mi isunj Anutu, be sombe itunu leleene, nako ipingis patanjana tana ma imbot molo pini. ³⁶ To iso: “O Abba * Tamanj, nu tat pa kosa sa som. Tatke mbooro tainji pio. Inji nio anso. Mi nu itum tau.”

³⁷ Isunj makinj, mi imiili ma imar, to ire nanjanj kini tel tina tikenne. Tana iso pa Petrus. Iso: “Simon, nu kenne? Irao be pamaata risa som?”

[☆] **14:34:** Yo 12:27 * **14:36:** Yesu izzo Aramea kaljan. Zin Aramea tiwatwaata taman bizin be ‘Abba’.

38 Niom kapamaata mi kusuŋ. Kokena toombonjana ikam yom to kotop. Pa lelende na, mata lenlen. Mi kulindi na mburaana irao som.”[☆]

39 To izem zin mi ila ma ipoto sunjana kini mini.

40 Isuŋ ma imap, tona imiili ma ila mini. Mi ire zin nanjan kini tikenne men. Paso, matan ikam sanaana zin ma tisaana kat. Tana len sua sa be tiso pini na som. 41 Yesu ila isuŋ mini ma iwe tel pa. Mi imiili ma imar mini, to iso pizin: “Wai, malainjana ikam yom ma kekenne men? Irao tana! Pa nol tabe tiur Tomtom Lutuunu ila zin wal sananjan naman, ta inŋi ipet kek. 42 Kamanja mi tala. Pa kere: Tomtom ta ila iswe yo la koŋ koi bizin, ta iwwa ma imar i!”

Tikam Yesu

(Mt 26:47-56; Lu 22:47-53; Yo 18:3-12)

43 Yesu izzo sua mi molo som na, Yudas ziŋan zin iwal biibi ta timar raama buza mi zaaba. (Yudas tana, ni tomtom ta ta imbot la Yesu nanjan kini laamuru mi ru na.) Wal tana, zin bibip kizin patoronjana kan ziŋan zin njanjan ki tutu mi zin peeze kan kizin Yuda tinjo zin ma timar. 44 Mi Yudas isotaara zin kek ta kembei. Iso: “Kere. Tomtom ta sombe anbenbeŋe pini, ina ni tau. Kikiskisi mi komboro kati ma kala.” 45 Tana zin iwal biibi tina timar tipet to, Yudas ikonjuru Yesu ma ila, mi iso pini: “Mos katuunu!” Mi imbenbeŋe pini. 46 To tikiskis Yesu, mi tikami be tila. 47 Mi nanjan kini ta, tau imender koloujana, ni imanja na ipas buza kini mi ipiri na, isap tomtom ta taljana ma itop su. Tomtom tana, ni mbesoŋo ki biibi kizin patoronjana kan. 48 To Yesu iso pa iwal biibi tana.

[☆] 14:38: Ro 7:23; Ga 5:17

Iso: “Wai, nio ti tomtom malmalŋoŋ sa, ta kamar ramaki buza ma zaaba be kakam yo i? ⁴⁹ Aigule boozomen ta itinŋan tombotmbot la Urum Merere kwoono mi anŋkamam sua piom na. Parei ta kakam yo pataaŋa som? Ambai. Tongo. Inŋi be sua ki Anutu ta tibeede muŋgu kek na, iur ŋonoono.” ⁵⁰ Ni iso sua tana, to nanŋaŋ kini ta boozomen tizemi, mi tiko ma tila len.✧

⁵¹ Nanŋaŋ kaibiim ta, ni ikawaali pa kawaala kokouŋana mi ito Yesu. Mi zin malmal kan tiso tikami tomini. ⁵² Tabe ni imanŋa to, kawaala kini ipurus ma itop su lene, mi iko ma ila lene.

Tipamender Yesu isu zin peeze kan keren uunu
(Mt 26:57-68; Lu 22:54-55,63-71; Yo 18:13-14,19-24)

⁵³ To tikam Yesu ma tila ruumu ki biibi kizin patoronŋana kan. Mi zin patoronŋana kan, zinŋan zin ŋarŋan ki tutu mi zin peeze kan tilup zin su ruumu tana ma timbotmbot. ⁵⁴ Mi Petrus, ni itokelkeeli ma ila. Ila ma igarau ruumu tana kwoono, to mbuleene su you uunu, mi zinŋan zin mendernŋan timbotmbot ma you ilolo zin.

⁵⁵ Mi zin bibip kizin patoronŋana kan zinŋan zin peeze kan ta boozomen titoombo be tiru tomtom pakan be tipombol sua pakaamŋana pa Yesu. Naso tirao be tipuni ma imeete. Tamen tiru ma som. ⁵⁶ Nonono, wal boozo timanŋa mi tipombol sua pakaamŋana pini. Tamen sua kizin ila iwe mataana tamen som. Tomtom ta iso sua ta, mi toro iso toro.✧ ⁵⁷ Tona zin tomtom pakan timanŋa mi tipombol sua pakaamŋana ti pini. Tiso: ⁵⁸ “A! Niam

✧ 14:50: Mbo 88:8; Mk 14:27 ✧ 14:56: Kam 20:16; Lo 19:15

amleŋ ni itunu iso ta kembei: Urum Merere biibi ta tomtom tipo pa naman ti na, ni ko ireege ma isu lene. Mi ko ipamender toro pa aigule tel men. Mi urum toro tana ko imanga pa tomtom mburan som.”✧ 59 Tamen zin tomini, tiso sua raraate som. Tiso ndelndelŋa.

60 To biibi kizin patoronŋana kan imanga ma imender su zin iwal keren uunu, mi iwi Yesu. Iso: “Sua ta tigibgiibi pu na, nu rao be pekel som?”

61 Mi Yesu ipekel sua sa som. Imaane men. Tabe biibi tana iwi i mini ma iso: “Kozo so kat sua ma amleŋ. Nu Mesia? Nu Anutu ta tapakurkuri na Lutuunu?”✧ 62 Yesu ipekel kwoono ma iso: “E! Nio tau. Mi kaimer to niom ko kere:

Tomtom Lutuunu, ni mbuleene ise muriini ta imbot la Anutu mbolkenkenŋana namaana woono. Mi ko kere ni imbot se miiri tieene saamba kana mi imili ma imar.”✧

63 Biibi kizin patoronŋana kan ileŋ sua tina na, ipas keteene. To iraza mburu kini mi iso: “Oo imap. Turu tomtom toro be iso ka sua paso? Buri na tapas kat sua ila itunu kwoono i. 64 Niom ituyom kombot mi keleni. Ni ipasaana sua pa Anutu kek. Lak, niom koso parei?” Tona zin ta boozomen timanga mi tiso: “Tomtom ta kembena imbot pepe. Ina uunu kini tina tabe imeete pa i!”✧ 65 Mi tomtom kizin pakan timanga mi tipures la mataana, mi tizuk mataana, mi tilul naman mi tipuni. Mi tipenŋeu i ma tiso: “Nu Anutu kwoono,

✧ 14:58: Yo 2:19; Nŋo 6:14 ✧ 14:61: Yesa 53:7 ✧ 14:62: Mbo 110:1; Dan 7:13; Tur 1:7 ✧ 14:64: Wkp 24:16; Yo 19:7

na? Kena so lak! Asinʒ ta ipunu na?” To zin menderʒan kadoono tikami mi tipuni.

Petrus iwatkaala Yesu zaana

(Mt 26:69-75; Lu 22:56-62; Yo 18:15-18,25-27)

⁶⁶⁻⁶⁷ Petrus imendernder kolouʒana pa you ta ikanan la ruumu ka siiri leleene na, ma ilolo i. Mi mbesoʒo moori ta ki biibi kizin patoronʒana kan, ni imar ma ire i, to igeedi ma iso: “Ai, nu tomini, niomru Yesu ki Nasaret kawwa.” ⁶⁸ Tamen Petrus iwatkaali ma iso: “Wa, sua ta so na, nio aʒute som. Anʒkankaana pa.” To izem muriini mi ruk ma ipera ʒana. ⁶⁹ Mbesoʒo moori tina ire Petrus mini, to iso pizin wal ta ziʒan timendernder na, ma iso: “Kere to tis. Ni tomini ziʒan tau.” ⁷⁰ Tamen Petrus iwatkaali mini.

Timbot ri, to zin wal ta ziʒan timendernder tina na, timaʒa mi tiso pa Petrus mini ta kembei: “Nonoono kat. Nu tina niomʒan tau. Pa nu sa tomtom ki Galilea na.” ⁷¹ Tabe Petrus imaʒa mi kwoono imbol ma iso: “Nonoono kat. Sombe aʒpakaam na, Anutu itunu ipasaana yo lak! Tomtom ta niom kozzo pini na, nio aʒute i risa som kat!” ⁷² Indeeʒe tana na, man itaʒ mini ma iwe ru pa. To Petrus mataana ila pa sua ki Yesu ta iso pini ma iso: ‘Mbeʒ ta koozi, nu kola watkaala zoʒ pa tel, mana man itaʒ ma iwe ru pa.’ Tabe Petrus leleene isaana kat, mi itaʒ ma iyeryer.

15

Yesu imender su Pilatus kereene uunu

(Mt 27:1-2,11-14; Lu 23:1-5; Yo 18:28-38)

¹ Timbot ma mbeʒbeʒʒana, to zin bibip kizin patoronʒana kan ziʒan zin peeze kan mi zin ʒarʒan

ki tutu timap ma tilup zin, mi timbuk sua pa Yesu. To tipo i mi tikami ma tila tiuri la Pilatus namaana. ² Pilatus ikami, to iwi i ma iso: “Parei, nu tana, ta king kizin Yuda?” Yesu ipekel kwoono ma iso: “Sua ta so na.” ³ To zin bibip kizin patoronjana kan timanga mi tingal sua boozo pini. ⁴ Tana Pilatus iwi i mini ma iso: “Parei, nu rao be pekel kwon som? Pa re. Zin timbel sua ngaljana pu.” ⁵ Tamen Yesu ipekel sua sa som. Imaane men. Tabe Pilatus ikam ngar boozo.✧

Pilatus iyok be tipun Yesu ma imeete

(Mt 27:15-26; Lu 23:13-25; Yo 18:39-19:16)

⁶ Lupjana biibi tana iso iwedet, na gabana ki Rom ikamam mbulu ta kembei: Zin wal ta timbotmbot lela ruumu sanaana leleene na, sombe iwal biibi tiwi i pa kizin tasa be iyooto, to izemi ma ila sorok. ⁷ Indeeje mazwaana tina na, tomtom ta, zaana Barabas, ni zinan wal pakan timbotmbot lela ruumu sanaana tomini. Uunu kizin ta kembei: Mungu timanga ma tikam malmal be tiziiri zin Rom. Mi malmal tana na, tipun tomtom pakan ma timetmeete.

⁸ Tana iwal biibi tila tilup la ki Pilatus, mi timanga na tiwi i be ito mbulu tana mi ikam tomtom kizin sa ma iyooto. ⁹⁻¹⁰ Mi Pilatus, ni iute: Zin bibip kizin Yuda matan mburmbur pa Yesu, tanata tikami ma tiuri la namaana. Tana iwi zin ma iso: “Parei, niom leleyom be anzem king tiom Yuda ma ima?”

¹¹ Tamen zin bibip kizin patoronjana kan tikuru zin iwal lelen be tiyok la kaljana pepe mi tiwi i be izem Barabas ma iyooto.✧ ¹² Tabe Pilatus

iwi zin mini ma iso: “Mi parei pa tomtom ta niom kosombe ni king tiom Yuda. Ko ankam parei pini?” ¹³ To tiboobo mini mi kaljan izalla ma tiso: “Puni sala ke pambaaranana!” ¹⁴ Tabe Pilatus iwi zin mini ma iso: “Mi ni ikam so mbulu i?” Mi zin kezen keke la pini ma tiso: “Puni sala ke pambaaranana!” ¹⁵ Pilatus leleene be ikam iwal biibi tina ma lelen ambai, tana izem Barabas ma iyooto. Mi Yesu na, iuri la zin malmal kan naman ma tibalisi, to tikami ma tila be tipuni sala ke pambaaranana.

*Malmal kan tipejeu Yesu
(Mt 27:27-31; Yo 19:2-3)*

¹⁶ Zin malmal kan tikam Yesu ma tilela gabana ki Rom ruumu kini leleene. Mi sua ikam zin malmal kan ta boozomen ma timar tilup zin, ¹⁷⁻¹⁸ to tikam mburu totonana kembei ta kizin king i, mi tigiibi se regeene. Mi tikam wooro matanmatanana, mi tital ma tiur sala uteene. To tiyotyooto pini ma tiso: “Aa, king kizin Yuda. Niam ampakuru!” ¹⁹ Mi tiballis uteene pa teene, mi tipureskaali, mi tingungun kumbun mbukuunu pini. ²⁰ Tipejeu i makin, to tikinke mburu totonana ma isu, mi tiur itunu mburu kini ila niini. To tikami ma tila be tipuni sala ke pambaaranana.

*Tipun Yesu sala ke pambaaranana
(Mt 27:32-44; Lu 23:26-43; Yo 19:17-27)*

²¹⁻²² Tiwwa ma tila pa zaala, mi tindeene tomtom ta, zaana Simon. Ni imbot pa su mi imar be ilela pa kar biibi. Ni tomtom ki kar Kairini. Mi lutuunu bizin ru, zan Alisande ma Rupus.

Timar tindeenji, to tiyasasaari be ikwaara ke pambaaraɗana ki Yesu. Mi ziɗan tila ma tipet lele ta zaana Golgata (Golgata ka uunu ta kembei: Lele ki tomtom uteene putuunu).[☆] ²³ Mi tisombe tikam Yesu ka yok baen ta titooro ramaki koronɗ ta tisombe mir ^{*} na. Tamen ni leleene be iwin som. ²⁴⁻²⁵ To tipuni sala ke pambaaraɗana. Indeenje tana, zoɗ mataana ikam kembei lamata mi paɗ. Mi tisombe tiparraɗi mburu kini ma irao zin. Tana tikam mbulu ta be tire so tomtom tabe ikam so mburu i.[☆] ²⁶ Mi uunu kini tabe imeete pa i, ina tibeede ta kembei: ‘Ingi king kizin Yuda.’ ²⁷⁻²⁸ Mi tipun tomtom kuumbunɗan ru tomen sala ke pambaaraɗana. Ta imbot la ki Yesu namaana woono, mi toro imbot la ki ɗas.[☆] ²⁹ Zin iwal ta tilala timarmar mi tire sala pini na, uten suksuk sala pini, mi tigibgiibi sua repiiliɗana pini ma tiso: “Ywee, kam kosa kusa tau. Nu sombe reege Urum Merere ma isu lene, to pamender mini pa aigule tel tau![☆] ³⁰ Mburom mi kamke itum ma su pa ke pambaaraɗana ku tina.” ³¹ Mi zin bibip kizin patoronɗana kan tomini, ziɗan zin ɗarɗan ki tutu tipeɗeu i ma tiparzzo pizin ta kembei: “Ni imbot be iuluulu zin wal pakan. Mi parei ta irao be iuluulu itunu som! ³² Ni isombe ni Mesia mi king kizin Israel. Ambai. Kozo tombot mi tere i ten. Sombe izem ke pambaaraɗana ma isu, nako tuurla kini!” Mi zin tomtom ru ta tipun zin raami na, zin tomini kwon pasomi.

[☆] **15:21-22:** Ro 16:13 ^{*} **15:23:** Mir na, koronɗ ta ipunmeete yoyouɗana. [☆] **15:24-25:** Mbo 22:18 [☆] **15:27-28:** Yesa 53:12
[☆] **15:29:** Mbo 22:7, 109:25; Yo 2:19

*Yesu imeete**(Mt 27:45-56; Lu 23:44-49; Yo 19:28-30)*

³³ Zonj mataana ikam kembei aigule palakuutu, to zonj mataana imeete mi zugut biibi izuk toono tana ma imap, mi imbot ma irao zonj mataana ikam tel. ³⁴ To Yesu iboobo ma kaljaana biibi. Iso: “Eloi, Eloi lama sabaktani!” Sua ti ka uunu ta kembei:

Anutu tio, Anutu tio! Parei ta nu pizil ndemem pio?✧

³⁵ Tomtom pakan ta timbotmbot koloujana na, tilenj sua kini tana, to tiso: “Aa kelenj, ni iboobo Anutu kwoono Ilia.” ³⁶ To tomtom ta iloondo ma ila ikam koronj ta izenzen yok na, ma itizik sula baen pakpakjana, mi ipo la ke molo. To isara sala ki Yesu be isemsem. Mi iso ta kembei: “Tombot mi tere i ten. Ko Ilia imar mi ikinke i ma isu pa ke pambaaranjana kini ma inji.”✧ ³⁷ Tona Yesu iyak ma kaljaana biibi, mi iyataanja ma ka bolboolo ipol.

³⁸ Indeeje tana, kawaala biibi ta imbot lela Urum Merere leleene na, rek sala ki kor mi tunj sula meleebe. ³⁹ Beso biibi kizin malmal kan ta imendernder su Yesu kereene uunu na, ire Yesu iyataanja mi ka bolboolo ipol na, iso ta kembei: “Nonoono kat, tomtom ti ni Anutu lutuunu. Pa meetejana kini ipa ndel kat!”✧ ⁴⁰ Mi moori pakan ta timbotmbot molo ri mi matan lala pa Yesu. Zan ta kembei: Maria ta ki kar Magdala, Maria toro ta Yems ta nanjanj i ma Yose nan na, mi Salume. ⁴¹ Indeeje ta Yesu imbotmbot Galilea mi ikamam

✧ 15:34: Mbo 22:1 ✧ 15:36: Mbo 69:21 ✧ 15:39: Mk 1:24

uraata kini na, zin moori ti ta titoto i mi timbesm-beeze pini. Mi zin moori ta ziŋan Yesu tiwwa ma timar Yerusalem na, boozomen timbotmbot mi tire meeteŋana kini.

Titwi Yesu

(Mt 27:57-61; Lu 23:50-56; Yo 19:38-42)

⁴²⁻⁴³ Aigule tana ina aigule tabe zin Yuda tiparaŋraŋ koronŋ kizin pa aigule potomŋana tabe keten su pa i. Tana timbotmbot ma rou, to Yosep ki Arimatea imar ipet. Tomtom tina, ni imbot la lupuuŋu biibi kizin peeze kan kizin Yuda, mi tomtom boozomen matan se kini. Mi ni tomini iurur mataana pa peeze ki Anutu be ipet mat.

Yosep tana imoto som mi ila ki Pilatus, mi iwi i be ikam Yesu ma ila itwi i. ⁴⁴ Pilatus ileŋ kembei Yesu imeete karau men, to ikam ŋgar boozo. Tana iboobo biibi kizin malmal kan ma imar, mi iwi i pa Yesu: Ni imeete ma kup kat? ⁴⁵ Biibi kizin malmal kan iso: “E.” Tabe Pilatus iyok pa Yosep be ikam Yesu ma ila. ⁴⁶ Tana Yosep ingiimi kawaala kokouŋana ta, mi ikam ma ila. Mi ikam Yesu putu-unu ma isu, to izuki pa kawaala tana, mi iuri lela naala lene ta tiurpe lela raŋ sumbuunu pataaŋa kek. To ipatimbil pat biibi ta ma ila isekaala naala kwoono. ⁴⁷ Mi Maria ki Magdala ziru Maria ta Yose naana i timbotmbot mi tire la pa lele ta tiur Yesu ilela pa na.

16

Yesu burup ma imanŋa pa naala

(Mt 28:1-8; Lu 24:1-12; Yo 20:1-10)

¹ Aigule potomŋana kizin tabe keten su pa i imap ma ila, tona Maria ki Magdala, ziru Maria ta Yems

naana i, mi Salume, zin tel tila tingiimi koron kuzinjan, mi tikam ma tila be tisuulu se Yesu putu-unu. ²Tana aigule mataana kana, mbenbenjana ta zon pok ma ise na, zin timanga mi tiwwa ma tila pa naala. ³⁻⁴Tiwwa ma tila pa zaala lwoono, mi tiparzzo pizin ta kembei. Tiso: “Ingi kozo ko asin ipatimbil pat biibi pa naala kwoono piti?” Tipet naala mi matan ila na, tire pat biibi tana imbot mini muriini som, mi kembei ta tipatimbil ma ilae kek. ⁵To tilela pa naala leleene. Tilela na, tire nanjan ta iru pa mburu kokoujana mi mbuleene isu ma imbotmbot la ki naman woono. Tire i na, timorsop mi motonjana biibi ikam zin. ⁶To ni iso: “Komoto pepe. Nio anjute: niom kurru Yesu ki kar Nasaret ta tipuni ma imeete sala ke pambaaranana na. Mi ni imbotmbot ti mini som. Ni burup ma imanga ma ila kek. Kere. Muriini ta tiuri pa ta ti. ⁷Tana kala mi koso uruunu pizin nanjan kini. Mi motoyom ingal Petrus tomimi bekeni kosotaari. Koso pizin ta kembei: Yesu, ni imuungu ma ila Galilea be izza yom. Kala kepet kini, to ko kere i kembei ta munju ni iso piom na.”

⁸To tiyooto ma tipet mat, mi tiko ma tila len. Pa motonjana biibi ikam zin ma ngar kizin imap. Mi tiso koron tana pa tomtom sa som.

*Yesu ipet ki Maria ki Magdala
(Mt 28:9-10; Yo 20:11-18)*

⁹Aigule mataana kana, mbenbenjana na, Yesu burup ma imanga pa naala mi ila ipet ki Maria ta ki kar Magdala munju. Maria tina, ta munju Yesu iziiri bubunana sanannan lamata mi ru pini na. ✧

¹⁰ Maria ire i, to ila ma isotaara zin wal ta tigabgaaba Yesu na. Pa lelen izanzaana mi titaŋtaŋ pini ma timbotmbot. ¹¹ Ni iso pizin ta kembei: Ni ire kat Yesu pa mataana kek. Ni mataana iyaryaara ma imbotmbot. Tamen tileŋ na, tiurla sua kini som.

*Yesu ipet ki nanŋaŋ kini ru
(Lu 24:13-35)*

¹² Kaimer to nanŋaŋ ru ki Yesu tizem kar biibi, mi tiwwa pa zaala ma tila na, ni ipet kizin isu zaala lwoono. Tamen ruŋguunu ipa ndel. ¹³ Ziru tire i, to tiloondo ma timiili mini be tisotaara zin nanŋaŋ pakan. Tamen ziru sua kizin tana, tiurla som tomini.

*Yesu ipet ki nanŋaŋ kini laamuru mi ta
(Mt 28:16-20; Lu 24:13-53; Yo 20:19-23; Nŋo 1:6-*

8)

¹⁴ Kaimer, mana nanŋaŋ kini laamuru mi ta, zin tilup zin mi tikanan kini ma timbotmbot. Mi Yesu ipet kizin mi iyaamba zin. Paso ni imanŋa mini pa naala, mi wal pakan tire i mi tila tiso uruunu pizin kek. Tamen ŋgar kizin imbol mi tiurla som. ✧

¹⁵ Mi ni iso pizin ma iso: “Kala ma kapa pa toono ta boozomen mi kosoyaara uruŋ ambaiŋana pizin tomtom ta munŋaana men ta timbotmbot su toono na. ✧ ¹⁶ Wal ta so tiurla mi tikam yok, inako Anutu ikamke zin ma timbot matan yaryaara. Mi zin wal ta so tiurla som, inako Anutu iur kadoono pizin ma tila len. ✧ ¹⁷ Mi wal ta so tiurla, nako anŋkam len mburan be titooro mos pakan ma ipet.

✧ **16:14:** 1Kor 15:5+ ✧ **16:15:** Mt 28:19; Nŋo 1:8; Kol 1:23

✧ **16:16:** Yo 3:18,36, 12:48; Nŋo 2:38; Ro 10:9

Mos ta kembei: Zin ko tiziiri bubuᅇana sananᅇan pizin tomtom pa nio zoᅇ, mi tiso sua ila karkari kalᅇan ta zitun tiute som. ✧ ¹⁸ Mi so titeege mooto sananᅇana sa, som tiwin koronᅇ sananᅇana sa, nako irao be ipasaana zin na som. Mi sombe tiur naman sala zin metenᅇan, nako nin ambai ma timanᅇa mini.” ✧

*Yesu isala pa saamba
(Lu 24:50-53; Nᅇo 1:9-11)*

¹⁹ Merere Yesu iso sua pizin nanᅇan kini makinᅇ, to Anutu ikami ma isala pa kar saamba, mi mbuleene su Anutu namaana wono. ✧ ²⁰ Mi nanᅇan kini tila mi tisoyaara uruunu ambainᅇana ma irao lele ta boozomen. Mi Merere igabgaaba zin pa uraata kizin, mi ipombolmbol zin ma titor-tooro mos pakan ma iwedet, bekenā tomtom tiki-laala kembei sua kizin sua ᅇonoono. ✧

✧ **16:17:** Nᅇo 5:16, 8:7, 10:46; 1Kor 12:10,28 ✧ **16:18:** Lu 10:19; Nᅇo 3:7+, 28:3+; 1Kor 12:9; Yems 5:14+ ✧ **16:19:** Mbo 110:1; Nᅇo 2:33+, 7:55; Ro 8:34; Ibr 1:3 ✧ **16:20:** Nᅇo 4:29, 14:3; Ibr 2:3

**Anutu Sua Kini Potomaxana
Genesis, Exodus, Ruth, Psalms, Proverbs, Jonah, and
The New Testament in the Mbula Language of Papua
New Guinea
Sampela hap Buk Baibel long tokples Mbula long
Niugini**

Copyright © 1996 The Bible Society of Papua New Guinea

Language: Mbula

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

PDF generated using Haiola and XeLaTeX on 11 Nov 2022 from source files dated 9 Oct 2020

a815c47a-4c36-5240-a396-70cbd5e9b593